

罪
惟
錄




罪惟錄帝紀卷之十二

世宗肅皇帝

世宗欽天履道英毅聖神宣文廣武洪仁大孝肅皇帝名厚熹與王止一子妃蔣氏生帝正德中黃河清慶雲見諸祥皆兆帝初獻王薨帝方十三歲受勅理國事至是年十五定國公徐光祚等齋金勅奉迎上受符朝羣臣辭毋妃泣而受教

夏四月壬寅上至自安陸吹學士楊廷和等請入居文華殿候勸進上曰此皇太子我也我奉逆帝安得皇太子我行大明門癸卯即位甲辰上視朝



明并為嘉靖元年給事中齊之鸞疏請先定聖志有旨大臣已許自陳無功封拜之人都令自劾內外奸黨着科道察叅各衙門獎改其遵旨改正勿後丙午遣迎祖母即貴妃母蔣王妃於晏陸命群臣議興獻王主祀封號事在興王傳曰故學士費宏於內門後其弟宋官編脩發太監張忠於經蘓縉淨軍孝陵衛谷大用丘聚等降罰有差魏霸張永閒住江彬錢寧伏誅并其黨神周李琮皆斬贈故司禮太監王岳方亨官廢其弟姪錦衣百戶世襲義子朱泰等准辭爵復姓都御史龔杲文貴閒住陞王守仁南京兵部尚書上六行皇帝尊謚其自陳尚書侍郎都御史等皆

致仕吏部尚書王瓊副都御史劉遠以下十三人皆奪官
湖廣鎮監李鎰以扈駕筮辱劾守奪職起彭澤為兵部尚
書林俊為工部尚書復孫文戶部尚書改石瑄吏部尚書
禮部左侍郎王讚議禮被劾改南京起故寧府典寶關順
贈故諫南巡杖死者張燕等十三人其經誦廢皆復官五
月閉大理礦陸章懋南禮部尚書與大學士梁儲並致仕
罷四衛勇士歸原營淄川流賊李棋與普安賊阿司咸就
平召還各省備徵劫掠錄遺廢諸臣四十餘人以都御
史席書鄭岳巡撫湖廣江西後山海關主事取回內臣晉
興邸長史袁宗臯禮部尚書文淵閣大學士召還內官之

冊朝鮮索異物及童男女者輯諸臣有用章疏成帙備覽
補廷試賜楊維驄等及第出身有差以後按科如例六月
縱內苑禽獸追奪內臣兄弟之封伯爵者給死事江西巡
撫御史孫燧及副史許達贈廕及謚以早失停陝西織
畿內皇莊係投獻者給還本主亦歸御馬草場之占奪者
平松潘熟番天全叛彝及陝賊田迪等誅宸濠逆黨釋註
誤二百四十餘人命司禮監簡汰鎮守以西更代改南刑
部尚書金獻民為左都御史革王德間傳陞官一百二十
七員禁廣東珠池內官干與民事革僧道教坊傳陞官三
百五十餘員回奏于承坐豹房蠱惑獄死仍梟示

秋七月、角小王子寇莊浪、毗諸處、却之。進士張璉獻大禮議、請考興獻王伯孝宗稱旨、下部議除璉、南刑部主事博士朱裕請修改曆法、罷杭州抽分、內臣禁東廠受民詞、秦興外事、免大同馬倒買補、台南兵部尚書喬宇為吏部、點取佛太監劉九治其黨、陝西回賊陳克己平、流刺麻禪師、領占劉巴等二十七人於遠、初、革檄各廠局、昂濫旗較、十萬八千七百餘人、寧津盜起、德平知縣龔諒死之、誅大能仁寺妖僧齊瑞竹、廢玄明宮、毀佛像、刻金屑一千三百兩、以禮部郎中屠應墳言尋盡毀諸淫寺、四方災異、重大者、立奏、毋俟類聞、停刑一年、禁山海廬、寧、遼、陽、內臣

拙分以揚庶為禮部尚書免正德以來應天加耗米十三
萬餘石九月母妃自安陸至通州以尊號未定止不進俛
更議江西山東閩廣流賊平墓大行皇帝於康陵桃仁祖
淳皇帝神主
冬十月以皇太后旨稱興獻王為帝妃為后即貴妃為太
后將氏以母后儀駕大明中門入從朝議不謁太廟謁奉
先奉慈二殿尋劄諭必考興獻太皇帝聖母興獻太皇后
百官執漢定陶王故事加免不聽時楚王榮泚襄府棗陽
王祐楨給事中熊浚兵部主事霍誦同知馬時中監生何
淵巡檢房濬各論禮如張璠議帝益喜內閣九卿翰林科

道連。章詆張璠。郭說不聽。十一月。勅備武宗寔錄。邛州盜
殺主簿齊敏等。論江西功。封王守仁新建伯。尚書如故。尚
書喬宇加少保。應天巡撫李克嗣太子少保。餘進秩有差。
贈備撰羅倫左諭德。謚文毅。鹵犯大同。逆菴。馮亦虎仙伏
誅。成王瓊於莊浪。改副都御史伍文定南操。江十二月。十
八。寨叛。彝阿奇等平。故大學士楊一清。嘗力贊璠議。湖廣
巡撫席書特疏薦之。時掌詹事。石瑄。後語璠。大禮說終當
行。勿倦。

嘉靖元年壬午春正月。甘州軍亂。殺巡撫許銘。寔由總兵
李隆。嗾使之。論斬隆。御史朱承給事中卞錫。合疏。缺政。謂

力行之急、改過之吝、詔令不信、中官預議等事、上弗罪、廣西蠻賊梁公堂、寇臨桂等州縣、爾犯遼東、二月、內閣廷和等以乾清宮小室災、止興獻加稱上心、動乃孝宗母慈壽、勅興獻帝之上、加奉生二字、不稱皇、詔天下改南兵部侍郎何孟春於吏部、祭諸臣前忤死者、并錄前被害諸廢、河南盜流入陝西、平之、三月、上行籍田禮、宴去教坊、禱戲、加上慈壽皇太后曰、昭聖、武宗夏皇后曰、莊肅、邵太后曰、壽、安皇太后興獻后曰、興國、太后詔天下、禁京城造酒、及淮安造麪、修一切興來功、封大學士楊廷和、蔣冕、毛紀、伯爵、與世襲、大學士費宏、禮部尚書毛澄、世錦、衣、駙馬都

尉崔元、京山侯壽安、太后弟即喜、昌化伯興國、太后弟蔣
輪、玉田伯壽寧侯張鶴齡、皆太師、太監張錦等九人、廢其
養子、永奉官等二十七人、皆授太監、每加祿、廢共封、廢五
十三人、其餘部寺、臺諫陞賞有差、言官疏論、廢太監廷
和等、遂辭封典、文廢、唯外戚伯爵如故、高維斌、賊馮隆、伏
誅、荔浦賊潘公銀等、流、叔柱、林陽、翔等處、禁、渾河等處、抽
分、西海、角、併有、洮河、諸、戍、
夏四月、改林俊為刑部尚書、俊以爭禮不得、辭、不許、公侯
伯、初、襲、年三十以下者、送監讀書、廣西、彝、司、黃、鏐、憤、上、思
州、新、改、流、官、攻、破、之、陞、羅、欽、順、為、南、支、部、尚、書、未、幾、歸、養、

行贖審法。五月諭各王府有事代奏，不許私自入京。改正
 上林院占種土地，復驛丞王思為編修。泗州知州汪應軫
 為給事中，補詹前大學士劉健謝遷楊一清及尚書韓文
 等。御史盧瑄言：景皇帝已追謚，寔錄猶稱卯辰。王其孝宗
 實錄，出焦若曲筆，並宜改正。報聞，禁內侍第姪授錦衣官
 言官註冊疏，和漸皆切。帝隱下所司，賑南京等四省災荒。
 南京吏部尚書王華卒。

秋七月，嚴軍職冒襲異姓之禁。太監溫祥賈寶冊，詣安陸
 指濟寧關主事陳嘉言侮慢，坐逮獄。御用監歲徵物料如
 弘治例，定武舉中式例。騎射四矢以上，贈免事。指揮張瀛

官免安陸州各庄佃戶租十二起祭酒魯鐸於南京。南京
江漲壞城郭溺死人畜無算勅修省賑恤尚書林俊請內
官所犯下法司正罪報聞查鹵數入寇指揮楊洪死之移
犯邠州八月福州叛賊進貴等伏法釋副使李夢陽於獄
九月江西巡按御史陳啟元發王守仁通逆濠原書遂劾
守仁黨惡不問監生何淵請立世室奉興獻帝百世不遷
下部議立陳氏為皇后后父萬言為都督同知
冬十月立恭妃文氏順妃張氏革文字艱險者一歸程朱
之言許王初承奉以下官不職聽撫按糾劾十一月薊州
礦賊平思明賊黃鏐山東賊史福等伏誅陸正德中諫巡

遣修撰舒芬等二十八人儻一級。壽安皇太后崩，部議十三日服除，詔以二十七日未葬，止鍾鼓，毋御中門，朝西角門。免具玄、翼、善、冠、素服、烏屨、帶、還宮，仍縞素服。山東賊王堂掠曹州、考城等處，殺指揮楊浩、趙泰等，討平之。大理寺卿鄭岳請正內臣賈全等侵盜罪。報聞十二月，給事中史道外補，因論劾廷和不職。尚書喬宇、彭澤交章道挾私報怨。御史曹嘉再劾宇等，謂大臣相為地，阻言者路。廷和字澤皆求去，不許。謫道南陽府通判。再謫金縣丞。鹵寇山西，自是歲旌節，孝不以數。嘉靖二年癸未春正月，給事中王臣以各省地震，請塞傳。

乞○如○門○不○報○。基○還○。威○里○所○占○民○口○。總○兵○抗○雄○戰○却○小○王○子○
於○沙○河○。瀏○陽○賊○起○。流○劫○袁○州○。二○月○。草○皇○。註○名○曰○。仍○禁○。勳○威○
身○受○。授○獻○許○。內○閣○。票○擬○。如○舊○。制○易○。與○獻○。帝○陵○。廟○黃○瓦○。廟○饗○
樂○。用○八○佾○。上○謚○。即○太○后○。孝○惠○。墓○茂○陵○。之○右○。上○御○奉○天○門○。始○
鳴○鐘○。鼓○禮○。部○尚○書○。毛○澄○。改○仕○。三○月○。御○史○。曹○嘉○。疏○別○廷○臣○。為○
四○等○。一○。噴○。望○。頗○。久○。二○。敏○。束○。募○。過○。坐○。侵○。越○。謫○。茂○。州○。判○。官○。壽○。先○
知○縣○。劉○。峻○。討○。斬○。群○。盜○。唐○。經○。等○。佛○。即○。機○。別○。都○。盧○。冠○。新○。會○。擒○。斬○
之○。久○。旱○。風○。霾○。修○。者○。停○。齋○。醮○。興○。造○。會○。勘○。高○。墻○。庶○。人○。酌○。情○。罪○。輕○
重○。以○。酬○。

夏四月。陞崔銑南祭酒。戶部主事羅洪載。授支俸錦衣百

三
三
七

戶張瑾罪。反為所訐。尚書執奏。不聽。調洪載外府判。兩京
三品以上官及各省撫按。舉堪任守令者以聞。山東巡按
御史李獻。杖死鄆縣知縣沈潮。下獄。訊。癸之閏四月。醮。欽
身。殿上拜奏。青詞。大學士廷和。尚書宇疏。停齋。黜。報聞。太
監崔文家。以罪繫刑部。上受文訐。移鎮撫。尚書林俊。執
不與。上怒。責俊對狀。群臣諫者八十人。不果。移。閱月。俊請
歸。許之。裁。西。蕃。進。貢。人。數。陝。西。盜。楊。錦。伏。誅。南。尚。書。秦。金
以星變。極陳。不如。初。七。事。爾。犯。塞。雲。及。井。南。殺。指。揮。殷。隆
孫仁等。御史余翱。劾。太。監。張。佐。變。移。國。是。上。曰。張。佐。謹。慎。
御史。安。得。此。言。六。月。詔。親。王。不。許。代。郡。王。分。外。奏。請。以。災

傷除漕運外各稅俱減五分。山東賊劫萊蕪獄掠淄川金
卿諸縣贈故興化知府岳正太常卿。
秋七月南京大疫江北大水工部尚書趙璜言皇后父都
督同知萬言造第踰制上怒責璜對狀下其屬詔獄尋釋
之給事中劉最論劾太監崔文舉調外東廠太監芮景賢
復摺奏最擅用舊樹行復謫成之。并及巡鹽御史黃國用
坐降邊方八月進封壽寧侯張鶴齡昌國公封陳萬言太
和伯予世券尚書喬宇言累朝外戚無封公者伯萬言亦
非祖宗法不聽却鹵叻嶺口復犯密雲丁未萬壽節從吉
受朝以孝惠制未終免宣表論奉迎防守功加定國公徐

光祚等十一人保傳。鹵入遼東。殺指揮王綱。禁勳戚結婚。
內寺。九月。賑安慶等五府災。傳出黑子揭帖。尚書彭澤疏
諫。傳紅如舊。吏部右侍郎何孟春奏八事。上曰。俸以養廉。
其勿減餘如議。
冬十月。戶部尚書孫交。兵部尚書彭澤。咸致仕。永福長公
主下嫁。科臣安磐謂孝惠未祥。不宜遽吉。且公。如。坐。要。二
拜。大。乘。夫。綱。不。報。定。國。光。祚。奏。請。已。辭。賜。回。撫。按。下。臨。洮。
知府郭九皋。光祚恨九皋不為理。嗾刁民別誣之。東廠太
監景賢入賄。持之急。言官力爭之。不得。以內批貸重犯王
鎮等死。發戍免。追贖。十二月。遣內監織造。蘄。杭。輔臣廷和

力諫蒙切責引疾歸。

嘉靖三年甲申春正月麻城妖民萬明福伏誅。南刑部主事桂萼上正大禮疏。錄席書方獻夫疏稿以聞。南京諸郡大飢。巡按朱衣上言。災荒之地。嫠婦劉氏食四歲小兒百戶王臣姚堂以子鬻母軍餘曹洪以弟殺兄。王明以子殺父。地震霧塞。真彌千里。閩廣青徐豫楚盜賊蜂起。洋艦千數。詔大發帑分賑。免嘉湖二府稅糧。二月。商掠井州。給事中鄧繼曾極言中旨。非制。請金壇縣丞禁有司私通藩王。召兵部右侍郎席書及主事霍韜張璉。桂萼於南京。御史高明。衡朱泚。疏言。興國太后令節。前許致賀。未逾月。昭聖

輟不行。非禮。上怒。下明衡、制鎮撫司修撰舒芬、御史蕭一
中季本陳迨、戶部員外林應龍、咸論救。生謫降。惟芬罰俸。
三月。加昭聖皇太后康惠二字。典獻帝為本生皇考。恭穆
獻皇帝與國太后為本生章聖皇太后。立室奉先殿側。尚
書汪俊為字數爭。不聽。俊罷去。內旨席書代之。大學士蔣
冕復諫。蒙切責。亦致仕去。璉等至京。內旨與方獻夫皆
翰林學士。璉等又特請以孝宗為皇伯考。與獻帝為皇考。
武宗為皇兄。下部議。兩廣賊平。
夏四月。南京主事黃宗明經歷黃綰上疏贊璉等議。宗明
沙賊殺指揮樊和。大旱。自二年六月至今四月。天鳴者。

三、地震者三十八。土裂山崩。妖青影見。五月以災異停端陽節驃騎龍船諸戲。定觀德殿祭器。如太廟。以石瑤蕪文淵閣大學士濟縣知縣焦弁進飢民圖。大學士王鏊卒。贈太傅。謚文恪。六月。芒部賊龍政等作亂。是時廷臣會劾璉。璉等幾二百人。至。自訟學術與璉不同。請罷去。咸奪俸。安南流賊平。免應天等府夏稅。詔旌首勅。遂瑾。道忠。劉滌。賜祭葬。復其家。

秋七月。吏部尚書喬宇致仕。上諭禮部。去奉生二字。於是廷臣自尚書而下。伏門號呼。執奏者九數。百人除大臣罰俸外。收繫逮罪者一百二十餘人。為首者戍邊。四品以上

奪俸五品以下豐熙等一百八十餘人各杖有差病劊死者編脩王思等十七人已復如杖楊慎等編戶削職有差甲申奉安獻皇帝神主於觀德殿大學士毛紀亦歸切責致仕大同亂卒殺恭將賈鎰及都御史張文錦外轉陳洸史道曾嘉等俱復原職陸賈詠尚書文淵閣大學士獎晉府西河王奇溯孝行九月丙寅張鶴齡郭勛仇鸞等六十四人議定大禮稱孝宗皇伯考昭聖太后為皇伯母獻皇帝為皇考章聖太后為聖母祭告詔諭天下恭政何卿擊走芒郡賊瓏政於烏撒四首速壇滿速兒圍肅州兵部尚書金獻民往定之

冬十月、吏部尚書楊旦、侍郎汪偉、為給事中陳洗所訐、咸致仕。其肅巡撫張九疇、屢破走回賊。十一月、席書疏十二事、首請清祭內庫、裁革俸陞冒濫、禁奸商開中、殘監上、以為紛更、免究、鹵入延綏、大同卒、沒噪代王俊秋、夜亡、宣府浙江布政使高卿、杭州知府查仲道、長洲知縣郭汲、忤織造太監吳勳、被誣、咸降。調十二月、大理寺評事常商、臣條論議禮降、謫諸臣、并高卿等。且云、副使劉秉鑑、知府羅玉、以送迎忤中使、被逮。少卿華湘、樂鰲、御史任洛、副使任忠、以所屬吏民訐奏、被逮。皆當原宥。上曰、高臣法直、降二級、調外。所訐、皆謫官。總兵桂勇、誅大同首叛。事平、妖賊李真

陸雄等殺山海關主事王冕，入遼東，回賊平。起楊一清為陝西三邊總督。

嘉靖四年乙酉春正月，却鹵井肅。贈死事冀北道田美光祿少卿。二月，安慶指揮方欽捕江寇，見殺。烏撒土舍匿寵政為亂，擊擒之，追其共部印信。光祿署丞何澗復請崇祀獻皇於太廟。科臣楊言等不可，上乃立禰室，名之曰世廟。三月，御史王懋嘉、楠、行人司副柯維熊並疏乞錄議禮，致死諸臣諱。懋典、史、楠、維熊為民。甲戌，勅修獻皇帝實錄。賑淮揚飢，昭聖居仁壽宮。夏四月，改顯靈司香署為神宮監。日本貢使宋素卿入境。

互爭殺掠論死。五月，察放宮人，革職錦衣千戶李全等九十餘人，皆辯復，贈前江彬所陷聽選典膳李恭為紀善。六月，赦高墻庶人家屬二百餘人。惠州汀州延平遼東賊平。巡撫都御史伍文定陳九疇疾歸。

秋七月，追封下殤毋弟岳懷王，下殤女弟二人為常寧公主。善化公主八月，四川副使余珊上言不克終者十祠。庚子，吳興弼于崇仁縣。九月，致仕兵部尚書林俊卒。遺疏乞收用議禮諸臣，并寬廷杖。召用羅欽順、王守仁、呂柟、魯鐸等。下所司盜殺河陰縣致仕都御史許廷光。上以四方災異，命輔臣撰旨，脩省大學士費宏臆諸弊政，上勉罷仁壽。

宮後

冬十月、土魯番入寇、勒南工部尚書吳廷舉致仕。十一月、詔兩廣總督姚鏌、勅田州土官岑猛、呂揚一清還內閣。十二月、大禮集議成、頒示中外。添南京守備太監為四員、錄諸上禮議、未加恩賞者、帝奉章聖皇太后謁見世廟、以璵、萼為詹事府詹事、獻夫、韜為少詹事。是歲、天鼓鳴、五地震、六十三。

嘉靖五年丙戌春正月、內官督脩張真人廟。二月、以龍虎山道士印元節為真人、賜銀印、賑順天保定河間飢。平糶却鹵、亦不剌、賀蘭山後。三月、禮部郎中陳九川主事陳邦

傳。坐約束天方國貢使過巖。九川謫戍邦。備為民。天台起
復。知縣潘衛進龍飛頌。效蕪蕪織錦迴文體。以御史雷應
龍言。光祿寺歲飼鳥獸肉一萬六千餘觔。秣苴五千二百
石。議省。帝聽政之暇。頗及詩詞。間與大學士宏討論。詹事
桂萼忌之。託小技毋勞聖思。上曰。朕有所疑。何妨咨問。
夏。賈。詹事桂萼張璉。訐奏大學士費宏受玉事。寘敗宏身。
代之。御史鄭洛請。兩賜罷免。不報。勅回彘出叛酋。歸所掠。
方許通貢。總兵朱振却。鹵宣大。恩恩。府叛。搠平。五月。肇慶
府叛。搠殺守備李松。錄指揮同知張雄。世指揮使。以父兄
死。賊故。御史謝汝儀。請推復衛道之心。宥豐熙。余寬。張漢

卿郭楠、呂柟等叙用之。復推黜崔文之心。退玉堂谷大用。而別選內臣謹厚者以充任使。不報。六月，御平臺戒諭議禮諸臣，毋得假借飾詐。互報復。鹵數犯北河，改建觀德殿。工部尚書趙璜諫不聽。重舉主連坐法。申訟牒株連之禁。秋七月，享太廟，遣駙馬崔元代給事中章僑言廟享不宜代攝坐，奪俸。陞詹事張璉兵部右侍郎，御製世廟樂章用文德之舞，尋以璉議增武舞。八月，輔國將軍新渥訐潞州同知胡侍怨望，勅為民。九月，宗室祿米准折色。著為令。冬十月，免應天、湖、江、山東稅糧。大學士宏子編修懋良為總纂所，傾下獄，尋釋之。勅編脩孫恩韻編尚書要事，以為

法戒兩廣提督姚鎮擊走岑猛於歸順。誅之。十一月議治
淮河。焚匿名。勅所司嚴禁。璵力攻大學士宏及其
子。言官復交攻璵。璵上兩是之。宏五求去。不許。十二月。巡
鹽御史戴金上餘課銀六十餘萬。齎羊酒文綺。時四方災
異。疊見地震山崩。大學士一請以災異極陳脩省。帝自引
咎。

嘉靖六年丁亥春正月。命廷臣條救荒弭變事宜。却免宴
橫江。賊狗阿戌平。錄前被譴諸臣。唯議禮者不預。開館纂
脩大禮全書。二月。兩犯宣府。殺參將王經。禮部尚書席書
疾甚。加武英殿大學士。致仕。卒。京贈太傅。謚文襄。南工部

侍郎何孟春疾歸已草傳陞千戶王邦奇以私怨借哈密
事追論尚書彭澤大學士楊廷和失事得旨會勘給事中
楊言疏數並獄鎮遠侯顧仕隆覆邦奇誣妄亦被切責梯
廷和子主事悖為民多所波連言調外邦奇僅降總旗大
學士費禕石琚並致仕召謝遷於內閣三月贈死事免以
其寔弗後自入宣府迄大同參將關山死之致仕大學士
劉健卒侍郎翟鸞兼學士內閣辦事岑猛餘黨盧燕王受
破田州據之旋破思恩府起故尚書王守仁兼都御史與
姚鏞合討之戶兵二尚書秦金王時中趙橫致仕拾遺
二十四人都御史周金陸洪謨編備廖道南與焉

夏四月、璵夢克日講官、改觀德為奉先殿、起羅欽順為吏部尚書、未幾、改仕、御史陳察陞南太僕少卿、議馮政尋薦給事中劉世揚等、陞降海陽、教諭五月、旱、露禱、錄經書通鑑及大學衍義有關君德者以聞、嘗問明堂靈臺辟雍之制、輔臣以奉天殿司天臺國子監對、詔大臣非奉旨起用者、不得會推、時擬推用喬宇揚思張璵以其却番寇於柵巖六月、兩廣提督姚謨致仕、贈死事瑞州知府宋以方光祿卿、賑宣府飢、亡部餘賦沙保等陷鎮、雄府知府程洗奔單節、會兵討之、禮部右侍郎桂萼圖報復、請令科道官於拾遺之後、互相糾劾、如憲廟初年、吏部尚書羅欽順言、憲

廟初無此詔。上切責吏部。如夢請科臣俊民、臺臣隅等曰：寧聽吏部都察院再行考核，不願自相糾也。奪俊民等俸。竟罷考。上為外調二科，臣以塞夢意。

秋七月，侍郎夢請召用王瓊治邊。吏部言瓊方坐井廩事，免死戍上，不能奪為解。成御史胡松劾夢安薦樹黨。上怒，外調松。御史周在言批謫夢不宜復留下。在錦衣榜訊上。竟重違夢意。後瓊官需補改南工部尚書。胡世寧為左都御史，以李承勳為吏部尚書，少詹事方獻夫、霍韜俱兼經筵日講官。免山東稅糧有差。八月，更核軍職冒濫。總督王憲敗兩河套。加憲太子太保。餘陞賞有差。刑部尚書顏頤

壽訊故人李福達、不稱旨、詔獄命桂萼署刑部、張璉署都
察院、方獻夫署大理寺、合鞠之、竟釋福達、大小臣論逐削
籍者四十餘人、大學士賈詠亦連坐私書、致仕去、上親勞
萼等三人、追贈三世、頒獄詞於天下、曰欽明大獄錄、給王
守仁欽券、補祿與廕、禮部增主事一員、教習駉馬、改大禮
全書、名曰明倫大典、頒天下、九月、陞桂萼吏部左侍郎、仍
署刑部事、署都察院事、張璉考察御史、黜謫十二人、大學士
梁儲卒、改胡世寧刑部尚書、張璉上發奸懲貪事宜、復條
慎科日三事、各省始差、京考以霍韜為翰林學士、方獻夫
為吏部侍郎、桂萼為禮部尚書、黃翰林院學士、尚書、黃學

士自募始署都察院張璉奏汰錦衣旗較三千五百八十餘人歲省京儲數十萬復革冗官冗兵四萬餘人歲省京儲一百六十八萬大學士一清上振飭京營兵務五事下所司行

冬十月陞張璉禮部尚書文淵閣大學士仍院事改刑部尚書胡世寧掌都察院停內閣典誥勅官台南尚書李承勳為刑部改桂萼於吏部方獻夫代為禮部尚書諭大學士璉有密諭勿令人知璉請如前楊士奇例將給圖書遂并給楊一清翟寧桂萼俱二章外補翰林諸臣選外官填翰林祭酒嚴嵩請復舊規嚴考貢給膳銀從之路城賊陳

卿作亂。大學士璉屢上封事。率囊笈。遣官校內外。占籍還。民十一月。悉改庶吉士。為給事中。等官。討雲南土舍。安銓。改績。尋向松明州。皆陷。光祿寺厨役王福。請遷顯陵下獄。十二月。毀皇姑寺。散其黨。校僧徒。江西提學副使徐一鳴。未奉旨。先毀古勅寺院。以其擾民。逮獄。尋釋之。庚申。靈寶縣黃河清五十里。遣官祭之。改李冰勛兵部。兼左都御史。督團營。胡世寧仍刑部尚書。陞伍文定右都御史。學院事。諭輔臣。忌辰不用袞冕。上覽大學士一清奏記曰。朕之蚤朝。先官靖也。子孫敬事先人。敢以勞解。朕成弱促喘。穿繞登降。實難如儀。當如卿言。朕大婚七載矣。唯多欲色。荒為

兢兢聊諭卿知起間住太監張永提督團營

嘉靖七年戊子春正月停官中每旦謁天禮議補京營原

額兵原額十七萬七千有奇今止五萬敗角開原停差錦

衣衛官較二月青羊賊執知州王朝雍郭繼殺指揮等官

以王瓊補總督陝西上製燕弁及忠靖冠頒服之三月大

學士謝遷致仕各御史會薦致仕尚書羅欽順秦金趙瑄

都御史姚鏌等坐調外奪俸有差追論土魯番事前巡撫

陳九疇誦成武定土舍鳳朝文復叛殺同知以下官吏與

安銓合圍雲南省城以兵部尚書伍文定兼右都御史合

黔國公沐紹勳討平之鹵犯山西殺遊擊邵定南贛都御

史汪鉉進井露薦祖廟告郊壇勿饋井肅米貴尚書胡世寧請復鹽法以舒邊困免商賈輸金戶部霍韜亦曰宜復鈔法以存灶戶輕引銀以來商賈帝嘉納之增築花馬池至靈州一帶邊墻

夏四月以災異盜賊下勅脩省曰谷實由朕福寧州礦賊平五月新建伯王守仁撫定賊盧蕪王受於田州北京山東河南山西陝西大旱詔求直言大學士一清曰今日之務在省事不在多事在守法不在變法逮論致仕尚書金獻民冒功革職六月論議禮諸臣罪致仕大學士廷和革職為民餘以次黜劑陞霍韜禮部尚書力辭主事陸澄以

議禮上疏追悔許自新

秋七月、加大皇太后尊號、獻皇帝尊謚、聖母尊號、詔內外
官調奏救荒良策、尚書胡世寧疏薦詹事霍韜、宜以都御
史、薰翰、翰林院學士、不入院、專論思、糾彈、八月、禁鎮守中官
濫受軍民詞、大學士一清為同官、璉所軋、數永去、不見、九
月、命禮部大臣題各處災異進覽、

冬十月、皇后陳氏崩、謚悼靈、國子祭酒李鐸卒、破例治葬、
謚文恪、罷芒部沙保用兵、却爾宣府、西鹵入掠、殺三原主
簿張文明、定陵地於燠兒谷、閏十月、青羊賊陳卿等平、數
敗土番於甘肅、新建伯守仁以田州兵轉攻浙、破硤、拔蠻

平之尚書方獻夫等為守仁訟功代府輔國將軍成鎮往
高墻視其父庶人仕塲之喪上疏自劾乞葬畢始歸許之
改刑部尚書胡世寧於兵部十一月立順妃張氏為皇后
新建伯王守仁卒於南安十二月宣府軍郭春等激變伏
法○爾入大同牙木蘭來歸禮部侍郎嚴嵩還自顯陵奏兩
靈異事請立后以紀從之會通河○成省脚費一十八萬
嘉靖八年己丑春正月郊上親填御名於祝版為令致仕
大學士石瑄卒謚文憲更謚文介兵部尚書胡世寧致仕
二月祭酒陸深請講章免閣閱之例坐謫外河南巡撫潘
墳坐失賑罷詔議王守仁學術事功給事中周廷稱其賢

謫太倉州判以桂夢燕武英殿大學士夢指王守仁立異
為名高非正學詔免其世爵恤典學其學者有禁久旱命
行義倉社會法禱雨南郊及太廟世廟作詩自咎籍鷹房
曰台民佃種命天下府州縣朝覲官陳利病於兩司以聞
名工部大庫曰節慎總兵杭雄禦鹵河套敗績改方獻夫
吏部尚書三月太監袁福請復狂草場租不許廷試御製
策題勒伍文定王軌致仕太僕寺丞陳雲章進書坐悖亂
經傳焚之禁京師卷禪禮佛之集并各處內官差遣僉事
林希元上荒政叢言有二難三便六急三權六禁三戒難
曰得人難審戶難便曰極貧便賑米次貧便賑錢稍貧便

賑貸急曰垂死急饋粥。疾病急醫藥。病起急湯米。既死急埋瘞。遺棄兒女急收養。罪囚急寬恤。權曰。措官錢以糶糴。興工作以助賑。貸牛種以通變。禁曰。毋侵漁。毋攘盜。毋過糶。毋抑價。毋宰牛。毋度僧。戒曰。勿遲緩。勿拘文。勿遣使。上以其切於救民。勒行之。

夏四月。戒諭黜戚。不得妄乞庄田。其強占。給原主。大學士一清以張璉意。薦永嘉儒士葉幼學為翰林院待詔。時宗祿日益。賜書各親王。議善後。選各部屬官為御史。五月。親定朝祭服冕。摹板繪形頒行。廷臣四品以上各舉堪知府一人。翰林科道各舉知州知縣一人。革御馬監勇士三千餘。

人六月免畿內稅糧及山東江北等處
秋七月、廠部爭獄、先是民張福與其隣張柱隙、因絀毋責
抵刑部、郎中魏應召白柱忤東廠、工命覆案、左都御史熊
浹復以應召擬上、帝曲徇東廠、褫浹職而下、應召拷訊之
給事中陸聚、劉希簡言福、妙口在浹、不枉上怒、下聚等錦
衣衛拷訊、比柱無實、竟坐柱抵罪、浹應召隣証俱謫邊軍、
月、張柱言事相左、忿激不相下、給事中孫應奎、陸聚、王準
先後論劾張璉、復恚柱、夢貪濫上怒曰、璉自用自恚、負國
負民、夢尤而效之、論法當付刑典、特從寬假、許璉回籍、愴
悟以圖、後用奪夢散官、學士職銜、以尚書致仕、頌其罪於

天下且大罪其黨。仍以應奎等後發。應奎舉準行法司時。吏部尚書方獻夫為瑄等奏辯。上復是之。學士霍誦意大。學士一清為之詆。一清上前力。上乃曰。左臣固負朕令。自劾。上予告歸。疾。瑄還。復募散官職銜如故。尋給事中劉希簡劾韜黨護。逮獄。總制尚書王瓊致仕。復供職。以科道官無言。一清者。各奪俸三月。謫陸燾為驛丞。岳綸為主簿。王準為典史。斬獲套鹵數多。賞總制尚書王瓊而下。改王憲為左都御史。兩廣總督林富請停株。不允。御史張問行坐諫。織造謫。知縣監生樊益芳奏。措紳議論不公。科道彈劾不當。懷私嫁禍。稱旨。禁臺諫。風聞。彈射。

冬十月、以日食、素服、撤鹵簿、大樂、入享太廟、世廟、刑部員
外郎、經邦疏、張璠去留、衆議洵、謂陛下私議禮者、忤旨、
下獄、謫成、太僕寺丞何淵、以屢奏議禮者、降、經歷、停外戚
世封、唯彭城惠安、以軍功居半、不與、以乾清所房、災露禱、
詔百官修省、雲南軍噪、糧勒撫臣歐陽重致仕、免山西陝
西江西稅糧有差、却鹵吉囊、俺答於榆林、十一月、停山海
關內臣征稅、御史劉安疏上、君道貴明、不貴察、陛下躬有
司之事、出而復反、信而且疑、大小臣工、救過不暇、孰為陛
下勤久計、策長效哉、上以活名、執訊給事中胡克時疏、救
並、誦外、給事中劉世揚、爭尚書李燧、以黃緣得謫、坐欺罔、

降照磨、未幾、奪燧、謚贈親、侍雪南郊及社稷壇、雪應、四川
巡撫唐鳳儀、獻瑞芝、陝西僉事齊之鸞、上言、臣過光息、穎
蔡間、蝗災特甚、入潼關、見居民、未蓬而食、曰、仰活此五年
矣、邦獻、蓬寔、螿口、溢腹、嘔逆、移日、十二月、以水災、免西浙
灶戶、今年歲、辦提督王瓊、却菴、彛臨、鞏
嘉靖九年庚寅、春正月、以夏言議、祀先蠶、立蚕室、皇后親
蚕、駙馬謝詒、請如皇親例、列肆台商、不許、鹵吉、囊、倦、荅、合
犯山西、大學士楊廷和、辛子、謫、戎、編、脩、慎、許、奔、喪、勿、終、制、
二月、改后土、句龍、配社、后稷、配稷、又以夏言議、郊社、從國
初、分祀之制、以太祖配南北二郊、歲首祀上帝於大祀殿、

為祈穀。以太宗配。又行朝。日夕月禮。為異壇。學士霍韜議。親蚕分郊。非禮。忤旨。下獄。御史鄧文憲直韜降邊方。禱職。已出韜。罰贖復職。鎮國將軍陽慶妻羅氏。自經狗鑿。旌之。行人楊爵條歲荒乞緩議禮。應天撫按陳祥魏有本舉劾。互異。回院聽勘。三月。賑延綏飢。夏四月。原任大學士一清坐入。張永餽為志墓。革職。閑住。革鎮雄流官。官芒部之商瓏勝。定議大祀。太祖太宗並侑。二至之祀。太祖獨配。河南巡撫都御史徐瓚。獻瑞麥。賜銀幣。或言嘉禾生郊。群臣稱賀。張璠陳頌。兵部主事趙時春疏諫。下獄。黜為民。河決曹縣。三道入徐。總制尚書王瓊破。

降番彛若寵板爾二族。勅褒之。禮官李時創議。少師姚廣孝僧服配享太廟。不合。詔移祀九興隆寺。

秋七月。陞川王俊相。請於高墻祭父。勅獎之。戚畹以異塗傳乞者革。都御史夏言疏劾大學士璉。尚書獻夫。逞臆降諭。解之所陞。降仍舊官。八月。懷慶知府王德明獻所屬產嘉禾瑞麥。瑞瓜夥。勅獎之。九月。給事中喬全請削道士邵元節真人號。上曰。故事也。詔獄金察革。魚成店房。閑住楊一清卒。釋其贓罪。勿問。久之。復官。贈太保。謚文襄。吏部尚書方獻夫病歸。

冬十月。順天府生員張紳奏薦大學士翟鑾。吏部侍郎董

祀等十餘人。坐違祖訓。擄訊罷珠池少監。以鎮守監攝。特遣禮部選圻壙備侍御。得四十八人。詔子弟官科道。應迴避者。不得改翰林。陞夏言翰林侍讀學士。仍都給事中。尋充經筵日講。致仕尚書伍文定。卒。製圓丘祭器。十一月。冬至郊。上先期習儀。事既。赦天下。改奉孔子為先師。易像以土。籩豆用十。樂六。侑立啓聖公祠。祀叔梁紇。以顏無繇。曾點。孔鯉。孟孫氏。配。爭文廟禮者。咸謫。十二月。減御馬監象房內匠。釋放罪囚一千八百餘人。祀高禩祈嗣。始祀道統。相傳歷代賢聖。自伏羲以至周孔。於文華殿東室。嘉靖十年辛卯春正月。定廟祀典。正太祖位南向。為始。祖。

遷○德○祖○於○桃○廟○為○始○祖○所○自○出○之○帝○益○春○冬○廟○特○享○季○冬○
大○禘○數○大○慈○恩○寺○立○帝○王○廟○於○阜○城○門○內○再○申○停○止○納○銀○
入○監○之○例○定○科○舉○歲○貢○薦○舉○三○途○並○用○二○月○集○議○禘○禮○夏○言○
請○設○虛○位○為○自○出○之○帝○以○皇○祖○配○定○辛○丙○年○一○舉○封○諸○陵○
為○山○方○澤○從○祀○致○仕○大○學○士○謝○遷○卒○庚○辰○親○祀○朝○日○壇○大○
學○士○璉○以○嫌○名○御○定○享○敬○字○茂○恭○賜○之○兵○部○尚○書○胡○世○寧○
卒○贈○少○傅○謚○端○敏○三○月○耕○籍○田○冊○九○嬪○立○西○苑○於○舊○仁○壽○宮○
前○種○菘○設○土○穀○壇○曰○帝○社○帝○稷○後○立○蚕○室○破○擒○海○賊○於○浙○
江○兵○部○尚○書○李○承○勳○卒○四○郊○丘○壇○成○陞○夏○言○少○詹○事○兼○學○
士○掌○院○兩○犯○莊○浪○及○大○同○殺○官○將○賜○女○直○都○督○達○黑○忒○金○

下。帶綵幣太常官始悉用道士增劉基太廟配享。位六王之

夏四月兵部火延及工部帝疑人為之連兵部侍郎陳洪
謨及武選司官於獄點為民選授歷事舉人孫肅為給事
中阮薇為試御史監生張澍亦為試御史初行大禘於大
廟以顯陵香殿閭滲漏奪前督工尚書劉麟侍郎章極官
五月夏至親祭方澤六月台方獻夫兼武英殿大學士江
盜殺南京鎮守太監草山西浙江江西湖廣福建及各邊
諸鎮守其在陝西四川者亦劾免六月裁冗官上以彗星
見雷震午門之變御製祝文靈告勅百官脩省求四王及

誠意伯之後

秋七月、賑陝西旱、順天大水、有差、行人司正薛侃請察
故典、採賢而親者、迎入京、司香下侃、獄訊主使、太常卿彭
澤、諷侃引夏言、侃不勝拷掠、暝日曰、張少傅、趨我為之、言
何與、上乃釋言、露享敬二、密疏於群臣、亦其收罔、從致仕
去、侃為民、以言為禮部左侍郎、蕪原官、鄭王貢、白雀二、薦
太廟、刑部火、直日主事、袁誦、戌八月癸未、親祀夕月壇、
陞安、陸州為承天府、縣曰鍾祥、予告大學士、桂萼卒、後贈
大傅、謚文襄、免太原等府稅糧、西苑工成、上一再觀、獲御
遊風亭及無逸殿、九月、親祀雲雨風雷、嶽鎮海瀆、各山川

之神罷南京郊祀以李時兼文淵閣大學士夏言為禮部尚書王瓊吏部尚書王時中刑部尚書王憲兵部尚書唐龍以兵部尚書兼右都御史總制三邊嘉祿產曲周薦內殿冬十月再議遷顯陵不果行人趙昊等引舜崩蒼梧禹崩會稽為言大忤旨逮訊真州盜周天星等平建雲壇於園丘之傍定節孝以季冬類奏許岷庶人冠帶視事十一月設醮欽安殿祈嗣夏言為監禮使侍郎湛若水顧鼎臣充迎嗣導引官勅旨張字敬至京加太子太師免浙直河南陝西稅糧御史喻希禮石金因齋醮請廣德意寬議禮議

獄諸臣及錄王守仁下詔獄陞嚴嵩南禮部尚書鹵寇大同大掠應州上御平臺親定太監谷大用罪籍其家南御史馬敬等十人坐劾王瓊不任吏部下鎮撫司都給事中魏良弼疏救並謫論贖還職

嘉靖十一年壬辰春正月賑順天飢大祀祈穀止奉太祖配汪鋹以祭事媚孚敬特坐故劾孚敬者王準不謹給事中孫應奎直隼詔謫應奎縣丞準為民二月嘉禾產蘄水薦太廟祈嗣地祈壇望祭天下山川廣寇陷高州府大掠去三月廣平府教授張時亨疏皇考宜定廟號稱宗祀天倫以皇親改授僉事西鹵寇延綏

夏四月封勳臣四五及誠意伯後常玄振懷遠侯李性臨

紹宗靈壁侯而荆州知府孫存壇增改大明律與江陵知

縣查佃交訐並訊韓府襄陽王五世同居勅獎之六月歲

貢就廷試黜五名三名以上者罪提學官有差海賊許折

桂薄省城殺掠湖巡撫林富為民河決魚臺

秋七月廣東僉事龔大綏劾奏才獻夫霍韞坐建為民計

被察多寡降罰薦主御史王宣等有差八月以彗星見論

修省科臣魏良弼謂彗見東方君臣爭明彗字入并奸臣

在側實字致所致字敬疏辯同官秦鰲復據疏指其無上

帝曰事敬詞意朝廷豈不知姑令自陳致仕原任霍州知州

陳家追論議禮時兄終弟及之例不合遺詔但云孝宗親
弟之子非與武宗為兄弟也揚廷和張孚敬兩黨皆非詔
獄拷訊改汪鉉吏部尚書為魏良弼所劾賑陝西旱災求
罷大監鎮守之差

冬十月重考庶吉士吳懷等二十一人十一月編脩揚名
以星度陳言為上喜怒失中并指汪鉉郭勛不可任坐謫
戍兵部侍郎黃宗明沔陽判官王直咸疏救宗明外調直
并戍御史郭弘化疏探木與珠頗擾民謂星變所自坐奪
職南御史馮恩復因星變力排孚敬獻大及鉉等坐逮獄
四月巡撫宋滄獻白兔災賀尚書鉉等貌上賦頌獨學士

吳州... 卷之... 三

郭維藩所上忤旨褫職却鹵寧夏南右都御史萬鍾應詔
陳八事謂以靜不以動以實不以文坐怨望欺擾錮為民

十二月侯官縣囚反獄殺左布政使查約右叅議楊瑞都

指揮王翔約得民囚誤及之鹵犯喜峰口

嘉靖十二年癸巳春正月河南巡撫吳山進白鹿尚書夏

言請告廟從之閣部大臣各獻賦頌再旨故大學士張孚

敬蒲州生員秦鑑請奉獻皇帝於太廟并言四郊及文廟

易主之非坐妖言律長繫鹵數犯薊州二月訊馮恩坐無

上法死問官刑部尚書王時中閑位郎中員外謫邊方恩

卒減戍曹州三月禮部尚書夏言撰述四郊禮儀以進鹵

入宣府時靈瑞疊至詔勿賀非正瑞勿獻吏部尚書汪鉉
作詩美上謙德

夏四月仍令科道互糾劾吏部郎中徐胤緒坐隱匿互糾
成命默為民再賜張亨敬印記吏部覆考科道五月上演
馬南城呂輔臣看花嘉樂館越三日復召西苑筌花飲茗
出詩索和西彞入貢稱王者百餘人勅書回賜止奉國王
一人禮部上大雩札儀四川黑虎番作亂改參贊嚴嵩為
南吏部尚書以未撤孔像廣東提學官王世芳及廣州六
府郡縣官皆按問六月辛巳彗星見帝曰燦哉見第四矣
秋七月學士廖道南蔡昂侍日講不辦諱通判陞湛若水

南禮部尚書起服闋學士霍韜南吏部侍郎改主事唐順之等為編脩八月番彙入貢者千餘減給茶絹皇第一子戴臺生告廟賜名必以禮肆赦唯大禮及大獄馮恩不與都御史王廷相條御史職掌六事九月遼東巡撫成文告病疑其隱避坐閒住破廣東山賊趙林花等呂恭政王宗明為禮部侍郎御書秩宗二字賜夏言廣東巡檢何儒得佛朗機火銃製法陞縣丞御史糾彈諸司按察使得還按御史不法

冬十月海賊掠寧波温台等處復揚一清官大同軍亂殺總兵李瑾代王再奔宣府總制劉源清與總兵卻永決水

反灌城、城中驚、賊益猖獗、劫囚勾、齒被遊擊以下數十人、
總制張瓚撫定之、源清為民建昌侯張延齡下獄論死、
草昌國公鶴齡爵降指揮同知閒住、皇長子薨、謚哀沖太子、
十一月、御史郭宗舉以流星起中台之變一疏、杖而釋之、
翟鑿憂去、始以郭勛代祀南郊、諸宴俱罷、總兵王效再提
甯夏

嘉靖十三年甲午春正月、廢皇后張氏、立德妃方氏為皇
后、始率后行謁廟禮、二月、王廷相為兵部尚書、
史管團營、尚書汪鋌劾南禮部侍郎黃縉、阿其屬郎中鄒
守益、守益奪官、縉咤調外、縉隨疏、鋌阿享敬指見抵上、竟

留銓。更園丘名曰天壇。方澤名曰地壇。副總兵梁震。改鹵

於大同。閏二月。許朝辭使間。五日出館。遊觀。起副都御史。劉

天和。總河。三月。召原任學士廖道南。蔡昂。還職。山海關妖

賊沈淮。伏誅。前殺主事王冕者。科臣董懷。理論屯田之弊。四。中。塩

之弊。六。曲。當時。互。不。果。行。

夏。四。月。覆。勘。高。牆。庶。人。情。可。原。者。四。府。大。學。士。方。獻。夫。疾

歸。五。月。先。蚕。繭。成。進。絲。六。月。却。士。魯。蓋。非。期。之。貢。南。京。太

廟。灾。祭。告。修。省。勅。建。名。承。天。家。廟。為。隆。慶。殿。比。南。奉。天

殿。云。

秋。七。月。建。神。御。閣。於。南。四。奉。累。朝。御。容。下。藏。寶。訓。寶。錄。八

月、鹵吉囊入花馬池、犯井肅、拒却之。九月、定九廟之制、皆南向、益拓世廟、以應天試錄失裁、山西試錄偶粘片紙、下提調官按獄。

冬十月、南兵部主事劉世龍、以廟災言事、大畧謂輕臣修出條用、宜稍寬延齡之、死、以安孝廟在天之靈。坐臣上、心遂下獄、賜夏言銀圖書、令手疏封識。十二月、御史李

新芳按廣東、中礮、悸、妄稱知府李騰霄、知縣周謚、謀欲殺

之、遂坐經歷吳尚質、不吐騰霄寶、筆之、死。仍勒典史揚經

誣、實謚罪、以聞。巡撫周金、劾新芳、心狂褫其職、詔選淑女

以作九嬪。禮部請求之外省、帝日毋遠求、遠求擾民。田州

土目盧燕弒其王邦相以叛

嘉靖十四年乙未春正月雪上曰天賜時玉思見卿等罷

監督內外倉場內官武宗皇后夏氏麻集議謹疏大學士

字敬擬二字四字尚書言却御史廷相侍郎論議仍列朝

后謚例十二字李時議八字復議尚書鉉等順上旨竟定

六字曰孝靜莊惠安肅教皇后罷卓異之宴改建四廟更

定陵祭宗廟免脫舄庭燎禮吉囊寇榆林教恭將魏祥

三月兵部尚書王憲致仕葬孝靜皇后

夏四月大學七字敬病上賜藥曰此朕自驗飲子字敬乞

歸遣送給米存問召前大學士費宏原官以皇后喪改啟

試期親賜制曰朕以夫庶冲年承位幼弱不才多招蓄於

民揚然悚懼。圖所以保洪業於無窮。爾多士可敬告朕。策

進士許穀等親次。賜韓應龍等及第。出身有差。復親策庶

吉士得趙貞吉等三十人。南京宮闕傾圮者。勿脩。大興隆

寺火。透少師姚廣孝祀位於隆善寺。五月。增七廟樂。樂官

舞生。更定樂器。六月。大理寺丞林希元請討遼。東叛卒。直言

官較被囚。詰狀被誣降知州。函數八。宣布。官

秋七月。遼東巡按御史魯銑擒斬遼東廣寧亂卒。趙勳兒

於靈兒王經等。陞大理寺丞。貴州應附試。雲南至是。令自

開科鄉試。起姚鎮兵部尚書。總督三邊軍務。道罷。九月。勅

罷吏部尚書汪鉉。以給事中薛宗鑑等劾。鉉伺間報復。

免鉉後並杖削職降調有差

冬十月會推吏部尚書九五不稱旨命科道為舉辭以簡

在帝心帝怒掌印官皆稀職大學士費宏卒張應天蘇松

等處旱災錄禦函功隆陝西總兵王效梁震以下官授儀封

縣孔承寅國子監學政世襲

嘉靖十五年丙申春正月贈死事后州通判陶壘為知州

廢一子復彭澤官二月加致一真人即元節道號正一賜

冠服三月帝奉皇太后及皇后謁天壽山諸陵太后游九

龍池御黃幄帝胡床帳右大臣侍免所過昌平今年租三

之二賜老年粟帛泛舟西湖還求紅黃玉以備祭祀之用

夏四月議修七陵吉山陵數走鹵吉囊賀蘭山儒士潘謙

軍正金桂請遷顯陵下錦衣拷訊再幸山陵祭告減鹵簿

太常卿張鷟肩輿下鎮撫獄上大不敬成之帝自製天子

武庫及大武龍威冠服又作寶輦車輅器物毀禁中大善

寺建慈慶慈寧兩宮得骨九萬三千餘筋像一百六

十九座定壽陵玄宮罷妃嬪從葬之制曰紙衣瓦棺朕最

念也都勻賊阿向平六月陞霍韜南禮部尚書固

秋七月尚書霍韜與夏言計奏罰韜俸一級皇史成成神

閣移御容奉景神殿八月陽曲宗室知熾知熾私怨父叔

逸盜劫之遂大掠聚屯中條詔捕之尋敗滅陝西總督劉

天和破鹵涼州莊浪加右都御史四敗自郭英復拔寧夏

改悼靈皇后謚曰孝潔躬祭長陵

冬十月加毅皇后全謚十二字戊子皇第二子載壑生廷

臣方請賀地震遷孝肅孝穆孝惠三皇后主於裕茂二陵

去肅純二字以別嫡庶改世廟為獻皇帝廟刑官之寬簿

侯張延齡者皆逮治四川阿向餘孽復叛追論都御史陳

克完激變奪官復詣諸陵十一月詔天下臣民各得祀其

始祖鹵掠山西議征安南不貢起毛伯温右都御史總督

進兵侍郎唐胄諫不報十二月採礦薊州上皇伯母徽號

曰昭聖恭安康惠慈壽皇太后聖母曰章聖慈仁康靜貞

壽皇太后廢右張氏薨喪禮視廢后吳氏夏言以尚書兼
武英殿大學士時廟制定昭穆而外另作太宗廟以志祖
功宗德於不遷頒詔大赦霍丘縣有男子朱學自言宸濠
第三子驗寔送高墻總督王效白爵敗鹵延綏及大同大脩
金錄醮於玄極寶殿答以祥

嘉靖十六年丁酉春正月皇第三子生名載堃是為穆宗
母康妃杜氏定西番職貢事宜改正詭名稱王者徽王厚
燾撰頌獻白兔表賀二月馬祿呂經馮恩楊慎等八人當
赦不宥安南世孫黎寧告變請討叛臣莫登庸命官往勘
罷皇后親蚕躬祭諸陵皇第四子生名載圳三月奉聖母

幸金山、蹕沙河、復文皇帝行宮、增城守。平、郭英從祀太廟、大同兵數破鹵、鹵入井州。

夏四月、交人總兵武文淵、都督黃明哲等獻地圖、願為內應、於是大發師、征安南、以威寧侯仇鸞為征彝將軍、安遠侯柳瑄為征蛮將軍、會征南將軍沐朝輔、刻日進、兵部侍郎潘珍諫、禘其官、登庸懼、款關、籍田地、戶口以獻、御史游居敬論、劾尚書湛若水、偽學、與王守仁所著書、並禁、盡毀其書院、五月、以雷震謹身殿、鳩吻求言、開贖罪例、以補工費、六月、鹵一再入宣府、指揮趙鏜、參將張國輔、敗沒、總兵梁震、破走之、貴州叛苗王聰平、賑隨沔、漢陽水灾。

秋七月、溼王祐檟薨、無子、國除、奪南禮部尚書霍韜俸、
月、科臣田濡陳弭災二事、請宥馬祿等八人、不允、聖母不
豫、上躬禱太廟社稷、鄭世子烜所進疏、俱稱弟不臣、稱皇
兄不陛下、乃申諭諸王表式、逮昌國公張鶴齡、京山侯崔
元獄、鶴齡瘦死、元得釋、

冬十月、免鳳陽諸府稅糧、賑之、十二月、張廷齡詞連字敬
詔、勿問籍其家、以陵工稽緩、革工部尚書、并為霖職、即中
以下拷訊、科臣吳汝霖劾尚書嚴嵩、穢跡彰露、嵩辯、有旨
今後大臣被論、宜自省愆、不得強辯、

嘉靖十七年、戊戌春正月、江西燒造違限、降巡按御史陳

稟為推官。二月，親祭山陵。三月，福建巡按御史李元陽進
 甘露丸甕親策進士袁熾等，改賜茅瓚等及第，却鹵薊州
 及大同。

夏四月，旱禱，貶服罷屠。雩天為雨。武定侯勳議復鎮守內
 臣并採礦，兵部執奏。內臣已遣獲請，礦仍間行。徽王與佃
 戶訟庄田，尚書梁材等請有司入稅於王。忤旨，奪俸六月。
 致仕通州同知豐坊請建明堂，宗祀獻皇，以配上帝。嚴嵩
 贊之。戶部左侍郎唐胥忤旨，坊訊為民。坊初隨父與
 至是希大用，言上親製明堂，或問示輔臣，定議稱宗特廟。
 行而卒，不錄。與孝宗同為昭。遼州同知李文察進所著

書稱旨授太常典簿開河南雲南礦

秋七月免山東畿內夏秋稅八月總督劉天和敗鹵吉囊

於河西尚書顧鼎臣兼文淵閣大學士九月改尊太宗文

皇帝廟號成祖增謚獻皇帝廟號睿宗奉安神主於太廟

上自言安神時日傍五色雲見受賀大享上帝於玄極寶

殿奉睿宗配詔示天下明堂配帝之義

冬十一月具冊表祗上大號玄稱曰皇天上帝隨改上高

皇帝后尊號給事中顧存仁以大禮成請宥謫成馬祿楊

慎呂經馮恩諸人及禁止道士葉凝秀等濫度僧人杖發

外為民十二月章聖皇太后崩必遷獻陵天壽山之天

罪情錄 卷之十二 三十五

合葬御史陳讓諫黜為民大峪興工未幾上又擬奉慈
宮南祔詔免遷陵鹵入宣府

嘉靖十八年乙亥春正月勅諭南巡欽定武陳工部侍郎
江曉皆理南巡事違慢罷為民二月立載壓為皇太子封
皇子載堯為裕王載圳為景王時日午五色雲見陞黃綰
禮部尚書起前大學士翟鑾兼都察院行邊原任大學士
張宇敬卒贈太師謚文忠以咸寧侯仇鸞東寧伯焦棟為
左右副將軍扈駕加郭勛明國公代掌中軍成國公朱希
忠副之加大學士夏言少師等從行時疏止南幸者諸大
臣報聞科道奪俸工部郎中岳倫聽選監庄陳良弼下獄

命皇太子監國。宣城伯衛鐔遂安伯陳鏗、大學士顧鼎臣、尚書許瓚等留守。乙卯，駕發京師，望祭北岳。趙王厚煜迎駕磁州，以太牢遣祭。周文王、少牢諭祭，宋岳飛於湯陰，彰德府知府王疏失朝，逮獄。汝王祐禔、鄭王厚烷、徽王厚燾、唐王宇溫、楚主顯榕咸次第來朝。二月乙卯，行宮火，錦衣衛指揮陸炳負上出火。內官官婢焚死數十人，法物質器盡燬。越三日，行至亢村，行啟復，火速河南巡撫易瓚以下悉斥為民。知府等官械前驅，至汝水，杖邊方為民，仍以保定巡撫陸鈞巡按王應供具不辦，並黜之。渡河，遣祭漢紀信於滎澤。周世孫朝於鄭州，帝曰：「小子朝綱，宜萬孝敬。」講

學而親賢。望祭中嶽。致仕少保賈詠迎駕。失朝。奪散官。祭
漢光武於裕州。諸葛亮於南陽。晉羊祜於襄陽。祭武當之
神於均乙。伊王訢淳執前肯。失郊迎省之。駕至承天。舍舊
邸。卿雲宮。謁皇考於隆慶殿。受南誓戒。致齋三日。詣純德
山。騎而登陵山。表於陵北。改營舍。親製樂章。享上帝於
龍飛殿。徧於群祀。居憂侍讀學士。廖道南以衣緋。奪官。祭
告顯陵。賜書皇太子。諭回鑿之期。以大享禮成。受賀。詔天
下。赦所經賦稅。特免承天府稅三載。宣諭父老。賜酒食。壬
辰。駕發。承天陞。護行御史王守中為僉都御史。兼詹事府
丞。崇王載境請削免之。其人印元節卒。贈少師。謚文康。崇

靜閣擬二議

全用之

夏四月皇太子遣迎駕御史謝少南請於慶都縣脩克母
相帝有感於克父母異葬陞少南為司直兼檢討壬子帝
還京復視大略定聖母南祔建興都留守司五月南入遼
東薊州以星變盡取四守鎮內臣甲申獻皇后發引命大
學士昂巨題主於北通州成國公希忠奉主還京入廟六
月諸臣以雷變自陳尚書楊志學侍郎高公韶屠僑周叙
王潮呂柟副都御史党以平大理寺少卿錢學禮咸致仕
擢承天城之陽春樓曰顯親達孝
秋七月梓宮南行以山東僉事于廷寅沮聞默為民起態

卷之三
七

陝南禮部尚書、總兵馬永討平廣寧亂軍、佟伏等、庚申、皇
妣合葬顯陵、後命仇鸞、毛伯溫南征、宣府總兵張鎮以逗
遛論死、八月、帝頗信方術、太僕楊景曰、金石之藥、衝決元
氣、不如端拱恭嘿之為長、帝怒、連繫死獄、時大臣皆諫、獨
指揮同知劉永昌恭疏、贊帝建皇寧、字以奉上、帝神版、鹵
敗榆林、再犯薊州、宣府、九月、訪句容始祖實蹟、不可得、嚴
嵩被論乞休、不允、進封卽元節、弟子陶典、真神霄保國弘
烈、宣教振法、通真忠孝、秉一真人、推恩其父母妻、其法孫
陳善道等亦加封高士、南禮部尚書霍韜與吏部郎中鄒
守益共為聖功圖十二事以上、以語涉說訛、有罪、尋宥之

冬十月、上親祭告長陵、立碑。十二月、鹵入宣府、殺守將宋隆、建總兵江桓等治罪、鎮國將軍安瀾進修煉丹書治輔導官罪、存問致仕尚書陳雍。

嘉靖十九年、庚子春正月、以湖廣提學僉事劉汝楠文尚險、恠、黜之、封左都督方銳安平伯、翟鸞邊還、仍辦閣事、御史謝瑜、踵諸言官劾尚書巖嵩、至云、奸、佞、貪、鄙、矯、飾、浮、辭、罔、上、持、甚、上、卒、不、聽。二月、承天府工役成就、食諸流民數萬、御史姚虞圖上之、鹵入大同、殺指揮周岐等二十九人、罷武舉鄉試。三月癸巳朔、日食止二分、禮部奏不食、上喜。鹵吉囊大掠延綏、榆林宣府、乙巳、黃霧四塞、暴風壞坊門。

帝曰風霾之變天三愛我矣其備邊討江華羅田等盜平之賑河南飢督脩西苑仁壽宮急給事中憲章上言今營建慈壽宮皇穹宇及三殿共費六十七萬有奇四年未就物詎加窮請暫罷免上怒以為瀆擾

夏四月督工尚書井為霖以陝西諸邊地震請停採運清祭未完者從之五月選淑女興建樓殿復建雷壇於黃州黃州者陶典真里也尚書蔣瑤湛若水俱致仕六月大盜黃良秦燔等出沒海口劫運艘七復設江淮總兵官湯慶瓦刺相仗校款塞下工部尚書溫仁和等言二三歲間內外大工如宮如殿如宇如壇如厨庫如陵墳如碑共費六

百三十四萬七千有奇。而承天所請，又一百七十餘萬。今尚工三十餘所，歲竭矣。請務其急者報聞。

秋七月，陞官匠郭文英為通政使，徐杲為太僕寺丞，郭勳進方士段朝用曰：能化砂為金，遂以其所化為祭器，薦太廟。命曰神器，授朝用紫府宣忠高士，加勳歲祿百石，却鹵宣大。八月，鹵自寧武南掠入平涼，總督劉天和、總兵周尚文等大破之於花馬池。九月，撤回兩廣總兵仇鸞，以柳珣代。賜給事中許天錫祭葬，初為逆瑾所逼，自經者，以典真子世同為太常寺丞，孫良輔及婿吳濬供食，博士俸。冬十月，罷各處礦場，大學士顧鼎臣卒，贈太保，謚文康，掌

唐事尚書霍韜卒贈太子少保謚文敏十一月陞鄒守益
國子祭酒上不豫太常寺錦衣衛等官各建醮祝聖壽上
疾稍愈加方士陶典真少保禮部尚書改尚書掌太醫院
許紳工部尚書十二月春坊贊善羅洪先司諫唐順之司
經較書趙時春各疏明年朝皇太子文華殿坐狂躁不道
姑黜為民凶入大同崇王戴境請父恭王墓表不許
嘉靖二十年辛丑春正月禁入覲官書滯問遺叙大同五
堡功贈總兵梁震太子太保西鹵款塞考察內旨黜王慎
中為民留用被劾文選郎中林春主事許穀免鳳淮陽蘇
松稅糧敗鹵寧夏二月方士段朝用術竊逮治論死言官

楊爵極言上罷朝廢講聽信方士繁典土扞任用夏言郭
勳而拒直諫之臣上怒執訊鎮撫司長繫之總兵楊信敗
鹵耳肅鹵入蘭州殺叅將鄭東早禱西宮鹵犯耳肅莊浪
總兵信禦却之斬首百級
夏四月莫登庸來降金一待罪授安南都統使世襲辛酉
日方晡東草場火城中訛言宗廟災薄暮雨雹風霆大作
火自神廟起群廟一時俱燼惟膚廟存成仁二神主燬帝
謝譴青袍避殿撤樂詔內外脩省直言言官胡汝霖聶靜
李承雲劾諸大臣救火稽緩降外停內外工作員外周天
佐䟽救楊爵杖獄死以廟災自陳免官者尚書許瓚而下

十三人進賢縣布衣熊思恭進所撰敬一箴註解詔許頒行隨自薦典科目並用坐妄言律斬五月濟漕湖廣奏議方遠請開海運報寢山東盜起六月賑順天保定等府及山西遼東災開原酋求增入貢不許因大掠殺指揮金潮許泰將劉大章等擊却之

秋八月免西安江南等府稅糧交城王國絕輔國將軍袁柚謀襲賂尚書嵩得旨事露嵩昏吏戍邊既而永壽王庶子惟熈與嫡孫懷熿爭立嵩復入金亦為覆允王妃擊登聞以奏御史葉經廷劾嵩奸貪不聽辛酉昭聖皇太后崩上諭禮部自十七年秋廷議朕不得不自防以愛宗社不

敢躬詣問安。奠祭內官代行。謚曰孝康敬皇后。鹵俺答阿
不孩款大同寨求貢不許。遂自宣大入山西大掠。起翬鵬
兵部尚書。搃兵趙卿禦之。吉囊自大同再入。驟至寧武關。
副總兵丁瑋遊擊劉宇咸戰死。九月大同壯夫劉文明等
斬鹵數多。授所鎮撫鹵深入石州。以大學士言疏奏不恭。
削少師。以少保致仕。鹵俺答越太原南掠州縣。擄宗室儀
賓京師震。逮弼國公勳。獄論死。勳黨唐珠珊杖戍。其子舉
人輔發口外勳瘦死。坐都御史王廷相獄。緣黜為民。
冬十月。總兵樊繼祖戴罪責贖。復言少傅仍辦閣事。巡
按陝西御史浦鉉請宥楊爵忤旨。械京獄訊。十一月。停各

處採礦。敬皇后合葬春陵。四川山西災。免稅糧有差。考庶
吉士。上親命題文曰原政。詩曰讀大明律。欽取高儀等三
十三人。十二月。薊州遼東總督胡守中論。斬先是南科。臣
王愷論守中與嚴嵩郭勛張瓚互結。納勿任。帝不聽。特陞
守中兵部侍郎。出鎮益恣奸利。尋伐塞上古松數萬株。以
致鹵騎長驅。御史洪源疏攻之。不報。至是諸臺諫連疏入。
遂敗。是歲諸王府各上金助建宗廟。褒峇加祿有差。
嘉靖二十一年壬寅春正月。山西三關失事。總督樊繼祖
以下罷。罕有差。鹵入蘭州。樂安伯方戚進為侯。三月。承天
惜工工部尚書顧璘進所輯興都志。賚銀幣。



夏四月、陟張邦奇尚書、兼詹事府、賑順承二府飢、思恩府
九思叛、苗悉平。五月、瓊州黎賊平。周府將軍安濬以缺祿
率五百人擊行臺門、草濬爵為庶人。京城疫、御製方餌之
閱五月、大同巡撫龍大有誘殺鹵使石天爵、錄功陞兵部
侍郎、鹵始謀大舉入寇、勒總督石鵬聞住。六月、上手諭都
察院列夏言罪狀、布中外、鹵十餘萬騎、躡左衛、入至朔州、
馬邑、廣武、都指揮周宇戰死。趙鴈門、越關南代州、犯太原、
移犯汾沁澤潞、召夏言拜皇考忌辰、仍趨命西苑。
秋七月、草大學士夏言職聞住、以言故、科道降調者十三
人、奪俸者六十八、致仕侍郎呂柟卒、後謚文簡、斬鹵孝義

縣鹵北徙復掠山西仍命翟鵬總督諸路兵禦鹵平陽知府聶豹嚴城以禦賊不入境鹵退至祈縣參將張世忠力戰死之贈右都督立廟賜諡鹵自鴈門出白草溝去蓋彌內地者一月兵部尚書張瓚卒以毛伯温代之首禁培克命刊布中外八月逮兩巡撫龍大有劉象聰勘禮部尚書歲嵩條邊事上嘉嘆賑山西被鹵地方仍免租二年鹵復四萬騎自朔州入寇尋遁去進歲嵩武英殿大學士仍部事給事中沈良材王偉陳詒等劾之亦及其子世蕃不聽團營尚書劉天和致仕九月陽和衛百戶李錦通鹵伏誅工部員外劉魁疏諫雷殿工役下鎮撫杖而錮之



冬十月、端妃曹氏、宮人楊金英等、乘帝臥、將為不利、皇后
促救、得免、事連曹及寧妃王氏、蓋曹王最寵、既伏法、上猶
念曹也、自是移御西苑、不復入大內矣、司業王同祖請改
元、延壽坐削職、十一月、復太廟、合享制、十二月、召南尚書
熊浹、掌都察院、脩太醫院、三皇殿、及配享從祀三十四人、
嘉靖二十二年癸卯春正月、貴州同仁亂、苗流劫湖廣、麻
陽等處、給事中陳樂請行大閱、大射禮、報罷、大學士桂萼
子尚寶司丞與私擬增建廟制、繪圖上之、并進所撰頌聲
俗辯等書、逮訊、擬贖、閏住、二月、論山西失事、請宥罪、免降
調、為民有差、推舉大將十八、薦為首、毀北城、大慈恩寺、驅

逐番僧

夏四月、停建州用兵。初、建州入寇、殺守備等官、命給事中
 林廷璽往勸、僅懸賞購叛首、那磁、兵部尚書毛伯溫、疏陳
 總督事宜、四一事、權相埒、嫌隙易生、一往復、奏請必失機
 宜一責效、旦夕議隨、其後一將令、禱申中外、掣肘千戶、火
 力赤糜、鹵互豐州、斬獲而還、陞賞、六月、數敗鹵、延綏、鹵大
 牧河套、吏部尚書許讚、奏大學士程鸞、嚴嵩、通請託上、詰
 曰、若讚無之乎、坐郎中王與齡、脅持、黜為民、員外吳伯亨
 朝外、給事中周怡、言事、并劾嚴嵩等、杖獄禁錮、
 秋七月、久旱、禱輒應、醮朝天宮、七日、以白鶴四十、餘翔空、

中受賀。八月，東安州進瑞麥，嘉禾獻廟，西苑獻瑞穀，賚戶部尚書陳經、鹵祀延綏深入綏德州，敗去。九月，南右都御史何塘卒，後謚文定。塘博學篤行，嘗謂象山慈湖之學流入禪定。

冬十月，三衛彘入寇，復太廟舊制，睿廟典為同堂而序，坐山東貴州試錄，含訛訛。山東監臨葉經死，杖下貴州監臨魏洪冕，黜為民布政使以下，降罰有差，賜貂煖，廷臣四百餘人謁謝不至，始有成國公布忠大學士嵩，餘皆罰俸。十二月，以謫官遷陞太速尚書許讚，罰俸。文選郎中鄭曉降三級調外，復夏言舊銜，致仕。以大學士嚴嵩子世蕃為尚

賈少卿鹵入井州

嘉靖二十三年甲辰春正月破鹵薊州三月破鹵宣府科

臣戴夢桂論邊事有曰寬法制以便間諜擬胡服以備掩

襲又以求將太狹論將太嚴儒將混真修文廢武上然之

諷訪殊力每省三十每衛五

夏四月以冗食革裁皇親指揮使等官七十一員錦衣并

七十二衛官旗指揮使等三千六百五十員錦衣幫工軍

餘五千名京官俸米二石暫折絹一匹五月建州鹵寇邊

都指揮趙奇佟勳把總王鎮元之召副總兵何卿不至革

都督勒赴部聽用六月大學士方獻夫卒謚文襄

秋七月起韓邦奇為總河都御史周尚文敗鹵大同八月
起唐龍南吏部尚書大學士翟鸞賄考官汪汝璧其子汝
儉汝孝咸中式上以弊跡顯明下汝璧等於獄勒鸞并其
子為民餘以次杖黜九月吏部尚書許讚蕙文潁閣大學士
禮部尚書張璧蕙東閣大學士賑湖廣鳳陽淮安廬淦飢
改熊浹吏部尚書

冬十月免河南災糧鹵寇房保卻永堵之潰萬全邊牆掠
蔚州攻浮圖峪至完縣列營四十里京師戒嚴都督僉事
趙卿嚴兵紫荆關擒鹵王三梟之上大喜告郊廟社稷
逮薊州失事督鎮而下翟鵬謫戍獄死朱方死杖下毛伯

温禔為民。郎中韓最戍邊。十一月，加東一真人禮部尚書。陶仲文真，即典少師，其少傅少保如故。支正一品俸。十二月，陞翁萬達侍郎，總督宣大及偏保軍務。湖貴苗久叛，巡撫都御史葛鏗質以千戶誘苗首龍成殺之。苗亦殺千戶，遂奏苗平論功，遷賞有加。

嘉靖二十四年乙巳春正月，楚世子英耀弑其父楚王顯榕，伏誅。閏正月，陝西禦鹵秦捷。總督張珩陞右都御史。總兵仇鸞加太子太保，廕一子所鎮撫。山西巡按御史陳豪奏連議後套以固邊防。二月，總督張漢疏選將練兵，請得便宜行。建獄謫成詔被鹵地方，招撫流移，給牛種，蠲賦十

年撤元世祖廟祀毀其像古田賊韋公珣等作亂三月賑
應天飢兵部吏書盜冊妄開功次鈐以偽造御寶冒襲千
戶三十餘員事發請前後查黃兵部主事項僞等犯者罪
之

夏四月停止工部開納事例輟復之五月南考工郎中薛應
旂調外初給事中王燁首劾大學士高嵩令所私諷應旂
點燁應旂不可忤嵩出之福建巡按御史何維禎論劾大
學士高嵩逮訊六月廟工成令秋享一如先朝之舊所增儀
節悉除之致仕大學士毛紀卒贈太保謚文簡旱災蠲歲
內及陝西田糧諭禮部尚書費案四祭歲禘禮悉如舊罷

大禘之禮。御史周冕以太廟初成，請上躬享。下鎮撫翰訊，早災以仙箕示釋。御史楊爵給事中周怡，工部郎中楊魁，出獄三日，會吏部尚書熊浹疏諫。仙箕上批詛訕，尋釋之。復逮爵、怡、錮之。如初定太廟位次，太祖居中，左四序成宣憲、睿，右四序仁、英、孝、武。大享殿將成，改名奎乾，以藏神御。

秋七月，給事中元冲以工部侍郎郭文英係匠作陞，廢請惜名器不聽。西海酋整克欵闕，請徙內地，不許。八月，加陶仲文伯爵，疏辭，乃追贈三代。廢子敏為國子生，以製秋石、陞通政使，顧可學為工部尚書，諭立京城義塚，告瑞鹿。

於太廟、鹵入延綏及遼東、殺守備張文瀚、犯大同中路、總
兵張達戰却之、擒斬建州彝酋李撤赤哈、將張鳳、指揮
劉欽、千戶李瓚、報効生員王邦直、冒鹵鴉鵠谷戰死、贈銜
有差、總督翁萬達、總兵周尚文、邀鹵嚴、鹵遁、九月、鹵犯陝
西、陶仲文請建醮、太和山延壽、許乘傳以行、建秋報大齋
六日、台大學士夏言仍閣事、
冬十月、以仙箕示建琉璃河橋於良鄉、大同宗室克灼、克
焮等通鹵、燒草場、逮訊、伏誅、十一月、赦雀鑑為母殺人罪、
萃大學士許讚職、勒吏部尚書熊浹為民、太常寺卿魏校
卒、謚恭簡、十二月、改唐龍於吏部、以巡緝功、陞錦衣指揮

陸炳都督同知致仕尚書劉天和卒贈少保謚莊襄西平
縣義民賈得山傾資禦賊城陷一家死者三十人贈主
簿祠之

嘉靖二十五年丙午春正月沅江土舍那鑑殺土知府那
憲奪其印誥討之御史周冕請東宮講學謫雲南典史吏
部疏錄遺佚尚書章拯等三十人不果行下御史包節於
獄戍邊舉醜齋勤賜號呂純陽孚佑帝君祀永熙仙宮三
日南入井州等處討四川白草番亂陞參政楊博楊守謙
為僉都御史巡撫井肅山西
夏四月改管銑總督陝西三邊倭寇漸東華人無賴汪五萃

等為之嚮道、金冠龍袞、稱王海上、連年為害、五月、安平侯
方銳卒、以皇后濟難功、許銳子承裕襲爵、治延綏、隱、啟奏
狼罪、俺答遣使款關、為邊卒所殺、詔嚴邊、六月、大雨、水發、
賑、

秋七月、西苑承華殿醴泉出、吏部尚書唐龍罷、以右都御
史周用代之、天寧寺建壇、聚眾命錦衣衛捕、鹵犯邊、入
宣府、我師敗績、錄邊牆功、翁萬達、周尚文而下加銜、八月、
進封陶仲文、神霄紫府闡範保國弘烈宣教振法通真忠
孝秉一真人、加盛端、明、顧、可、學、俱、禮、部、尚、書、水、災、免、畿、內、
山東稅糧、九月、鹵入遼東、銅平鎮、篁、諸、苗、後、叛、柳、州、賊、韋

金田等平舉報成典朝天宮

冬十月山東巡按御史張鐸進火器可及七百步者決重
囚五十人張延齡吳守中與焉十一月歲殺降之禁十二
月總督曾銑上修牆復河套二策下部議承天盜劫皇庄
子粒糧巡按御史侯度免杖下

嘉靖二十六年丁未春正月群臣望朝奉天門山西巡按
御史揚守謙奏設營田於偏頭等處上可之賑延綏賜徽
王厚燭道號真人金印定將領生南方者不得推用西北
著為令二月改刑部尚書聞淵於吏部選官女三百八西
鹵款塞求市不許三月殿試親策有曰孔孟以來千百年

之間道歸臣下。乃盡出宋儒一時之論。朕所深疑也。

夏四月、總督翁萬達請移山西兵防邊。山西巡按孫繼辰

不可。抵繼辰獄死。致仕尚書羅欽順卒。贈太子太保。謚文

莊。選庶吉士。上親命題文曰原心。詩曰善為寶。詔以浚凡

考選毋徇。五月、總督曾銑逐套鹵捷。鹵遠逾。陞賞有差。六

月、銑論井肅總兵仇鸞巡撫楊博沮撓鸞博坐奪俸。建謝

典於吳錫仙宮。

秋七月、給事中查秉彝言七事。一事權不一。二用法太苛。

三稽查煩擾。四罰贖違例。五征收無藝。六徭役不均。七供

給過奢。可行。再請獎勞撫安戾成岳等。以無例不許。改南

贛巡撫都御史朱統於浙江、蕪、福建海道治倭、建大慶典、大高玄殿、停封止刑二十三日、禁屠九日、度天下道士二萬四千餘人、八月、萬壽節、百官望賀萬壽、承天門加投陶仲文特進光祿大夫柱國、兼大學士、俸、廩一子敏尚寶司丞、以推補詒訛、吏部尚書文淵、罰俸、文選郎中彝、臣獄訊贖職、其吏部侍郎許成名、崔桐、少詹事王用賓、黃佐、皆勒致仕、兩京兵部尚書陳經、朝訓、俱被劾、致仕、戶部尚書王杲、坐筦庫員外、余善、繼納兩淮運、金色、濫、並建訊、解、金大、使、係、兩淮副使張祿、請托、關節、如太常少卿嚴世蕃等、皆有狀、給事中厲汝進、查秉彛、請窮治之、上、庇、大學士嵩、曰、

汝進等胡不先之、而為呆解朝也、執杖之、降邊方、樸職、汝
進卒削籍、呆與巡倉御史艾朴、邊戍祿等為民、呆竟死於
獄、閏九月、以湖廣苗亂累年、逮貴州巡撫都御史王學益、
養寇、獄訊、免、山東湖廣江西稅糧陞儲、秀戶部尚書、晉西
苑、農、雲南巡撫、應大猷、有舉無効、勒閒住、屠僑為左都御
史、副使聶豹被進効、逮訊

冬十月、勅井南巡按御史、兼理學政、治遼東、殺貢彛、啓彛
總兵張鳳、卓爵、餘斬、謫有差、十一月、宮中火、夜出、楊爵等
於獄、爵、銅七年矣、數日卒、佛郎機掠漳州、皇后方氏崩、上
念后促效功、謚曰孝烈、總督銑圭復河套、上營陣八圖、効

仇鸞貪虐。逮繫。十二月、安南都統莫福海死。子宏濕立國。中亂。海寇犯寧台。送交趾。上官孫陳璜於順天府學。

嘉靖二十七年戊申春正月、兵部條復河套議。大學士言贊之。嚴旨再議。大學士嵩探上隱密言不可。因論言曲同誤國。上令言引罪。坐強君削餘官。以尚書致仕。總督銑遠問科道官以不言。悉廷杖。罰俸。出兵部尚書王以旂代銑。鹵入遼西大掠。賑鞏昌。漢中飢。或言鹵荅俺渡河合套。謀寇延寧。上真以銑啓。蒙仇鸞歡。中上書誣銑初。匿敗不聞。尅軍錢鉅萬。夜令子淳走大學士言婦翁。蘊綱所表裡作奸。遂逮言。并捕按淳。經法官以銑罪無例。勉比銑失隘城。

池律上以擬非正例改擬結交近侍官員律斬巡撫而下
坐銑降黜者數十人遊擊李珍以銑所拔論死極拷必不
以贓累銑子淳二月建春祈大齋顯陵宮三日夜六科給
事中合劾銑違嵩以劾避降為首高譽級二外任張治為
禮部尚書三月以治寇未平降湖廣巡撫都御史姜儀為
叅議斬總督都御史魯銑於西市妻子流三千里銑死家
無餘財天下寬之釋仇鸞獄建祈歲典大高玄殿命百官
青布衣辦事

夏四月夏言逮至上書自訟下鎮撫拷訊刑部尚書喻茂
堅等以議貴議能請坐奪俸不許亦竟坐交通銑論死妻

卷之二
五十二

蘓氏請以身代上曰妻亦流人安得代妻子流二千里五月葬孝烈皇后名永陵六月追賜前大學士楊一清謚文襄贈太保以張岳總督討貴州廣西叛苗日本入貢定三十一人入京周府鎮國中尉勒欽濟入京疏上獻棄萬幾齋熙興作數年以來委任匪人賄賂公行刑罰倒置當以秦皇漢武宋徽為戒上大怒免為庶人發高墻禮部請立皇后上諭考傳位太子儀注禮部疏諫報允并寢立后之命擊敗海寇於福寧州

秋七月大清閣成鄭王厚烷疏請帝修德講學并進居敬窮理克己存誠四箴及演連珠十首以簡理怠政務非惡

諫神仙土木為規。帝手批其疏曰：勒嚴細物，無聊子耳。爾
今時之西仙也，亦效之乎？請欲為為之，卒廢為庶人。發高
墻報西苑嘉穀雙穗七十五本，以後歲如之。賀縣賊平，陞
叙兩廣總督張岳，總兵陳圭。以下有差。八月，以萬壽節加
仲文、文伯爵，俸時祭，告齋醮，無虛日。抵兵周尚文戰鹵，彌
陀山勝之，鹵犯山西，却去。九月，報鹵且犯宣府，上曰：朕當
叩道祈天，以己之令，卿官不得論本處有司。巡視都御史
朱純破海賦於溫州。

冬十月，敕大學士夏言於西市，言與嵩同鄉，相軋及復相。
位嵩上陰街之上，故無意。故言嵩構飛語，又以災異，遂疏。

引漢誅翟方故事。上遂為所用。許河南山東入銀補官。賜
遼王憲熾道拜。真人鹵沃入宣府。大掠。綏兵趙鄉而下。論
罪有差。河南祀世死事。指揮馬義及其子都督僉事俊孫
都督僉事振。十一月。方銳為僉都御史。總河十二月。間住
應天府。丞朱隆禧進方喜。陞太常寺卿。尋致仕。鹵大掠遼
陽。
嘉靖二十八年己酉春正月。鹵掠永昌鎮。羌等處。搃兵三
繼。祖三却之。二月。京師地震。上曰。豈民間有潛懿。未揚者
乎。博採以聞。召南吏部尚書張治為禮部文淵閣大學士。
祭酒李本為少詹事。兼學士。辦閣事。指揮江瀚。董陽。戰鹵

滴水崖、敗沒、鹵犯永寧、總兵周尚文赴宣府、敗鹵曹家庄、
宣府總兵趙國忠分擊、鹵遁。鹵箭書求貢、山西營四、大獲。
通行各邊。三月、錄西鎮戰功、陞廕閣臣及總督翁萬達、總
兵周尚文而下、皇太子行冠禮、薨、謚莊敬。
夏四月、巡視朱紘得海寇九十六人、斬之。巡按御史陳九
德劾其擅殺、罷、紘職、套鹵復犯鎮、羗等處、擊敗之。五月、翁
萬達回兵部管事、太保左都督周尚文卒、給事中沈東請
賜槨卹。上以尚文疏辭、怨望、杖束錮獄、陞郭宗臯、總宣大
遼陽。

秋八月、徙肅州屬彘於境外、建墩、給種爨、凡七百餘帳、敗

鹵亭憂鹵掠大同九月寇榆林却之後寇萬全總督宗畢
 力戰退去三衛導鹵寇遼東殺守備張景福以水災免嘉
 湖二府秋糧加賑改夏邦謨吏部尚書
 冬十月以內苑瑞麥百六十本免刑因總督三省張岳討
 銅仁叛苗十一月治宣大失事罪孝烈皇后祔太廟初巡
 撫河南胡瓚宗以事按武陽知縣王聯罷之尋聯以殺人
 罪坐絞聯子朝策於長至日偽朝衣隨班奏瓚宗以私入
 人罪遂其迎駕詩穆王八駿飛空電相以為誑訛逮訊刑
 部尚書劉訥都御史屠僑大理寺師沈良材曰此頌也相
 嵩語上誤不康何邪瓚宗廷杖與訥俱削籍僑良材奪俸

以嵩平反公忠、蕙支學士俸久之、仍坐聯殺人罪、其子朝
策以假官上書斬。

嘉靖二十九年庚戌春正月、大學士嵩不忘原都給事中
降典史厲汝進計典削籍、二月、定逃戶坐後銀額、三月、貴
州叛苗龍許保破印江石阡等城、壑井肅荒田萬頃。

夏四月、黃河決入淮河、逼泗州、擬封方士陶仲文恭誠伯、
復辭許之、仲文常力贊平獄、五月、以沈希儀為總兵、鎮貴
州、時西海彛窺井涼、套鹵伺延岡、俺荅踞威寧海子、孫顏
三衛以巡按王汝孝撲殺其索賞彛目、積恨引鹵犯廣寧、
遼陽、六月、鹵犯大同、總兵張達副總兵林椿力戰死之、予

贈賡、逮總督侍郎郭宗臯、巡撫都御史陳耀、杖戍邊、耀死、杖下、閏六月、後仇鸞太子太保、鎮大同、以旱灾免稅十之三、

兩畿山西等處施藥朝天等三宮、促徵內用香於廣東、凡六品、叶

萬勛有奇

秋七月、兩廣總兵平江伯陳圭、提督侍郎歐陽必進、平瓊

州、叛黎叙功、陞賡、釋銅仁、失事、參將石邦憲、往石阡立功

贖罪、鹵俺荅脫、脫辛愛等、自威寧合套、鹵十餘萬、駐古城

川、各邊戒嚴、治福建、擅殺滿刺、加夏、蓄罪、指揮僉事盧鏗

副使何喬論死、革職、都御史朱統、自殺、復征山海關稅、以

旱灾免租、西安等八月、鹵大入、駐金字河、犯宣府、西河不

得入引而東駐大興州萬壽節加嚴嵩上柱國嵩以上字
非人臣所宜居辭許之陞其子世蕃太常卿命總兵鸞兼
將各路客兵廢居庸南循潮河川南下攻古北口潰墻入
突通州召鸞及諸鎮兵勤王以定西侯蔣傅左侍郎王邦
瑞總督都御史王儀守通州宥獄中邊將戴倫歐陽安從
戎自贖保定巡撫楊守謙及聽調總兵朱楫援兵皆至
營白河東去京師益近鸞夾河而屯上告鹵警於太廟吏
部尚書夏邦謨等請上視朝都給事中袁壺等請駕還大
內以安中外心兵部尚書丁汝夔受計於大學士嵩鹵能
自賜止諸師勿戰壬午鹵竟薄都大掠擄內廐監增等八

人見俺首下跪首坐殫惟令上書承貢其書稱臣而慢
上令群臣會議莫敢發簡討毛紀曰始許之出然後拒之
司業趙貞吉曰否即許之便許之何異城下盟請急出沈
末於批錄固尚文之功得捐金募首功首百金鹵首盡致
戲下時錦衣衛經歷沈練亦從吏鄭吉言上壯貞吉即令
燕御史受萬金出軍拜仇鸞平鹵大將軍陞守謙兵部左
侍郎提督團營副之僉都御史高大節領所募伎勇異等
別為一軍咸背城時諸援七部合五萬人京兵見敵泣不
前而勤王兵皆輕騎不費糧糗帝命犒牛酒諸費戶部無
經以文移往復三日人但得數餅金瓶無所藉士饑疲鸞

軍獨飽亦徒游移張聲勢鹵大焚西北隅火燭西內上注
以將帥不加文臣制之故鹵得至此促戰守謙等以尚書
汝夔未檄為辭上怒曰獨不畏縣官乎通政使樊溪請得
詰將軍驚勿養寇黠為民甲申鹵飽退趨白羊口至清口
迤北分掠天壽山阻絕兵趙國志不得出另一軍綴仇鸞
敗之而忽從古北口奮路出宣大兵邀斬數十人時鸞所
部大同軍故推髻肆掠自詭曰遼東軍尚書汝夔畏之曰
勿捕大同軍大同軍益驕不戰上恨汝夔切與總督守謙
並付西市薊州巡撫王汝孝提兵羅希韓並誦戎杖貞吉
黜為典史革十二營西官廩復永樂三營舊制以仇鸞為

提督加鸞太保、奪情翁萬達為兵部尚書、起故翰林趙時春為編修、改中樞、巡視京營主事。九月、賊被鹵、北方陞按察使劉璽、副使聶豹、皆僉都御史、璽撫宣府、豹撫順天、都御史商大節募民兵、經畧京師內外、選大同餘丁教習、各軍武藝、猛賊殺陽朔知縣張士毅、捕斬之、鹵入寧夏、大掠冬十月、以仇鸞請、各邊兵班操京師、刑部郎中徐學詩劾大學士嵩父子奸、擅且曰、如科道王燾、陳瓚、謝瑜、童漢臣、今安在哉、上曰、徐學詩乃報私忿、下鎮撫司拷訊之、諭嵩曰、聞鹵歸多毒瘡死者、殺人盈萬、天怒之矣、其議所以插鹵穴者、巡視中樞論鸞驕恣、下訊外調之、革巡視十一月、

廣開事例募富民出粟助邊十二月俺荅復寇宣府求貢
不許以大將軍驚言罷薊鎮總兵李鳴鳳大同總兵徐珏
以其所私或勳徐仁代旨從內下兵部尚書王邦瑞言非
驚。轄。驚。擅。不。聽。

嘉靖三十年辛亥春正月大練民兵經歷沈鍊直糾大學士
嵩。奸。貪。者。十。杖。繫。編。隆。慶。縣。為。民。兵。部。議。頒。軍。築。邊。塹。仇
驚。為。班。軍。請。免。上。許。之。二月。禮。部。疏。請。建。儲。不。允。尚。書。邦
瑞。陳。安。攘。大。計。以。虛。文。草。職。官。帶。辦。事。尋。放。為。民。尚。書。萬
達。自。陳。黜。為。民。三月。陞。李。默。吏。部。尚。書。作。五。府。鎮。鹵。法。壇
以。歷。鹵。鹵。獻。我。叛。人。錦。賓。請。開。馬。市。威。寧。侯。驚。兵。部。尚。書

果性秀
卷之三
五十一

趙錦力主之。請大同宣府延綏寧夏四鎮歲兩市。侍郎史道典市兵部員外楊繼盛疏諫。上以相當議。坐撓邊議。繼盛杖謫狄道。典史總督湖廣川貴都御史張岳大破貴州亂苗。殘苗復入思州府。執知府李允簡。尋縱還。夏四月。賑畿南旱灾。許四調邊兵。及京營。皆隸鷹。副都御史高大節諸分屬。以便責守。防鸞。專坐失事。軍機論斬雲南叛酋。那鑑。誘殺左布政使徐樾。五月。停折江諸處加派。六月。鹵犯左衛。帝以撤玄府鎮鹵壇。故鹵徒動。茲務離急。貴州苗賊龍許保伏誅。王府進銀助邊。秋七月。收所在勇敢。自備甲馬。勦鹵者。鹵受鸞賄。執叛人。

蕭芹以獻詔加嚮太子太保廢一子錦衣史道陞兵部尚
 書芹伏誅初芹與喬源立富等以白蓮教惑國中黨數百
 人教鹵火食屋居芹實無能而源富等以鹵心腹鹵
 弗遣御史喻時言開市以緩兵宜不忘備鹵果以羸馬索
 上值不與輒譁大同市則寇宣府宣府市則寇大同甚者
 朝市暮掠并羸馬攬去垣堡俱撤無復藩籬史道猶表鹵
 請以羊牛布以巡撫許魯遺書加止得寢鹵蓋三寇大同
 上乃絕之名史道還議戰守時仇鸞脩鹵白羊口九月以
 災傷免振江西湖廣等府曲周縣賊流劫四省山東賊流劫日照
 邳州平之言官光裕愷等初史道職市不稱坐杖奪俸

冬十月吏部尚書李默以資遷布政使張景革職為民免
糧南京遼東史道乞休許之改刑部尚書萬鑑於吏部十一
月奉祀仁宗神主升祔孝烈皇后神主於太廟第九室薊
濟督待詔何棟獲叛人哈丹兒陳通事之在三衛導爾
入寇者伏誅告靈壇郊廟行獻俘禮廢賚仇鸞何棟及輔
臣嵩等十二月陝西馬市成總督王以旂等與陞賞以秋
無邊警建總報大典大高玄殿上曰恭誠伯仲文以萬金
百帛助軍歲加祿米百石子世恩陞太常寺少卿
嘉靖三十一年壬子春正月鹵俺荅求市不得屢敗邊兵
陷堡壁朝議籍籍追咎馬市馮慮謹請發帑二十六萬出

戰上曰去歲費軍興數百萬不一戰而戰當何如其第令
戰。鹵犯益教上曰邊臣恃而不備也。觀皇者重刑。鷙內不
自安。請逐鹵。上曰。鹵少入耳。毋煩卿。二月。賑宣大二鎮。飢
鹵入大同。故指揮會事王恭大掠懷仁縣。賜恭贈。鷹仇鷙
撤大邊二邊墩軍。止守三邊。鹵使了頭智求市。大同總督
蘇祐執斬之。報功。以太上道誕。建醮求壽。宮九日。三月。裕
景二王同日行冠禮。以徐階兼東閣大學士。仍禮部事。海
寇犯瓊州。殺指揮數人。京營游擊時陳自言。賊鹵大同。西
上曰。勿待御史覆實。厚賞之。仇鷙援例請上五級功。兵部言
鷙損折多。不中賞。上姑賚之。

夏四月、促仇鸞、以戰、鹵、辛、受、犯、遼、東、指、揮、王、同、等、百、戶、常、
 祿、等、咸、死、之、贈、廕、有、差、台、鸞、還、時、罷、市、舶、海、上、倭、僧、王、直、
 負、倭、直、不、得、已、與、亡、命、徐、海、陳、武、等、勾、諸、倭、入、寇、東、擾、拓、
 林、西、杜、乍、浦、海、上、烽火、益、警、
 秋、七、月、改、王、忬、巡、視、浙、江、燕、福、興、泉、漳、便、宜、行、並、設、浙、直、
 叅、將、各、一、員、以、俞、大、猷、湯、克、寬、為、之、八、月、鹵、聚、薊、州、近、邊、
 仇、鸞、病、令、諸、將、聞、警、即、應、無、待、徵、調、詔、收、仇、鸞、制、勅、將、印、
 以、蔣、應、奎、代、署、京、營、鸞、患、死、大、學、士、階、因、密、疏、鸞、通、鹵、狀、
 上、大、驚、傷、鸞、死、梟、示、九、邊、籍、其、家、毋、妻、及、子、皆、斬、戰、鹵、大、
 同、把、總、劉、欽、等、死、之、鹵、遂、分、兵、深、入、朔、應、馬、邑、等、處、九、月、

及大同懷仁二縣分哨攻山西三關不克去營景王府於
德安府河決徐州塞連道五十里戎政蔣應奎通政唐國
相各有子冒功為給事中。被發遣杖點為民悉停馬市以
聶豹理戎政南寇寧夏宣府賑水災鳳淮徐揚及
歲內江西
冬十月南京試御史王宗茂極論相嵩奸貪大罪八并及
阿嵩選郎萬家點為東陽縣丞尚書趙錦光祿寺卿董茂
中坐附鸞戍極邊鹵寇遼東十一月總督張岳盡平湖貴
諸苗復楊繼盛兵部員外郎以三日逃還御史喻時抗論
相嵩以隱忍鄙懦為欺計以依阿柔佞為盡欺陛下誤
國是不報十二月光祿寺少卿馬從謙言提督光祿寺太

監杜泰乾。凌內帑。萬計。巡視官孫允中。狄斯彬。亦言之。泰
反。誣從譙。誹謗。下鎮撫。訊誹謗。無寔。上怒。罰訊者俸。而坐
從譙。邊戍。巡視皆降。遠方。泰以能發隱忠。免議。從譙竟死。
杖下。選民間女三百人。入宮。齒冠。寧夏。大枝掠。

嘉靖三十二年癸丑春正月。賑徐邳流民。濬河。都給事中
楊思忠。初議。孝烈不當祀太廟。上御之。至是。摘其賀正表
中。申錫玄禧一語。曰。是何文體。不臣杖百。點為民。定二王
出婚。外郎禮無異。叛酋那繼自殺。餘黨降。宥其子。怒。立那
從仁。暫領其衆。兵部員外郎楊廷盛。劾大學士嵩。誤國十
大罪五。奸逮訊。尚書何鰲。受嵩囑。比詐傳親王令旨。律絞。

郎中史朝賓持不可。謫補外。以聶豹為兵部尚書。二月。冊錦衣副千戶李銘女為裕王妃。奉安宣聖先師於文華殿。東室。總督三邊兵部尚書王以旂卒。以旂開誠布信。結障堅。既卒。邊民踴泣罷市。贈太保。諡襄敏。兩廣都御史歐陽必進以繼盛疏連及。上書自理。下部覆。嵩子世蕃自為覆草。授郎中。周冕冕即以世蕃草上。因劾世蕃。上曰。冕急報復。亦杖黜為民。嵩辭孫鵠恩職。許之。湯克寬破倭溫州。鹵犯宣府。叅將史錄死。予贈廕。三月。城京師外城。賑陝西。山東饑。巡按雲貴御史趙錦論劾嚴嵩。亦及其孫鵠。嵩歸第待罪。上立復鵠官。召入直。逮錦。杖黜為民。鹵入宣府。犯

河曲、游擊孫邦丁碧戰却之。移犯深井、延綏、總兵郭都劉梅死之。予贈廕。閏三月、海賊濱海數千里、同時告急、破昌國衛、恭將俞大猷以舟師搗之。復陷臨山衛、大道啟成、建景命告典。

夏四月、倭連陷浙內地州縣、徧騷鄉村。上海縣破、殺指揮武尚文、縣丞宋鰲等。五月、副總兵岳懋却、函遼東、陞湯克寬海防副總兵。六月、調處州坑兵、勦倭。秋七月、太平同知陳璋統兵敗倭、斬千餘級。餘浮洋去。鹵大舉入、渾源、廣昌等處、指揮袁鎧戰死。紫荊關復犯、鄜州及揀箭、浮圖等峪、游擊陳鳳朱玉擊退之。松陽知縣羅拱

辰、六合知縣董邦政、蘓州同知任環、咸以禦倭功、陞僉事。
柘城亂、民師尚詔、陷柘城、鹿邑等縣、移攻太康、掠肅州、官
兵敗之於五河。八月、鹵分犯蔚州及代州、繁峙、益入軍府、
肇慶府徭賊作亂、趙文華以嵩義子為通政使、吏部推巡
撫、隕陽、給事中朱伯辰劾文華貪倭、不堪、文華奏、吏部尚
書萬鏜與伯辰合構、且訐鏜怨望、鏜致仕、伯辰為民、復召
李默為吏部尚書、套鹵屠掠延慶諸州縣、移營中部、規涇
陽、會涇兩北道、山東盜李自名等、剽漕艘、副使曹邦輔、擊
師尚詔、破之。九月、鹵自大同犯山西、都御史趙時春敗績、
總兵李洙、叅將馮恩、游擊李桂、皆死之、賜贈廕、蹂宣大二

十餘日、總督蘓祐、尚書聶豹、捕斬二百餘級。陞廕有差、其縱賊殺戮之罪不問。謝玄祐、江西叅議王喬齡、奏述獻皇慈烏事、命付史館、獲賊首師尚詔於莘縣、誅之。追逮河南巡撫謝存儒、負養寇之罪。

冬十月、賑飢。畿內諸府、宣府、遼東、浙江、被寇諸縣。湯克寬捷倭竇

山。常熟知縣王鈇、禦倭福山、勝之。計三中式武科者許會

試。著為令。倭船失風漂與化者、殲之。十一月、湖廣蕪潭土

司作亂、命廣西賓閣宅靖江王府有罪者、錮之。建景命園

慶典於仙宮。九日、十二月、改刑部侍郎鄭曉於兵部、兼食

都御史、督漕。大學士嵩請立太子上、責之嵩曰、臣所言者

禮也、非政也、

嘉靖三十三年甲寅春正月、六科賀正、失尊、萬壽字於上、
格、杖給事中張思靜等四十人、康妃杜氏薨、裕王母也、謚
曰榮淑、賑饑二月、許寧藩支屬得祭始封獻王、贈死事、歸
德、檢校董倫及拓城衛舉人陳聞詩、俱府同知、酋犯大同、
指揮僉事薛綦戰死、予贈廕、倭逼松江、救縣丞劉東暘、械
應天巡撫彭黠為民、敗酋井肅、三月、勅倭普陀、敗績、坐戶
部郎中劉爾牧謗、訟杖為民、山東賊李自名平、
夏四月、都城疫、倭陷嘉定、攻嘉興府、禦却之、都指揮周應
禎、指揮李元律、千戶薛綱、宋應瀾、百戶趙軒、戰歿、後陷崇

明、知縣唐一岑死。之千戶洪岱戰。致試歲貢士。上親擢何
炯為第一。五月、鹵寇寧夏。參將王寶擊却之。兵部尚書梁
經總督南直。浙福山東兩廣軍務。便宜治倭。燕議撫。六月、
鹵入大同。總兵岳懋戰死。倭轉掠吳江。指揮僉事夏光死。
之。咸贈。鷹。械。繫。前。總。督。燕。佑。巡。撫。侯。鉞。為。民。鹵。射。書。乞
市。宣。商。不。許。賑。大。同。饑。及。京。城。水。災。漕。運。都。御。史。鄭。曉。請
拓。浙。直。閩。三。省。義。勇。得。斬。倭。級。者。授。官。有。從。賊。者。許。內。款
自。效。報。可。

秋七月、廣東番賊糾倭入掠、擊敗之。俞大猷敗倭松江海
口。西苑嘉穀三穗、四穗者甚多。獻郊廟。建啓祝黜於西苑。

調狼兵禦倭。八月，俞大猷敗倭於吳淞所。指揮任錦敗倭於長蕪。副使張景賢敗倭於海門。參將李逢時以山東兵敗倭於新涇。九月，鹵破平鹵衛。至朔州，延綏兵大破鹵。東西鹵合犯潮河川。總督楊博總兵周益昌禦却之。陪醜駙馬都尉高景賢辭不能青詞，帝不悅。及清獲醜，或分賞。謝曰：他日當累草沙場以報上。益恨其不祥，黜為民。

冬十月，坐禦倭失事械，應天巡撫屠大山黜為民。參將許國副搃兵解明道論斬。宣大總督許論擒妖賊呂鶴，受賞。海賊犯潮州，指揮黑孟陽引舟師殲之。都指揮劉恩却倭嘉湖。十一月，坐疏字獲杖，即中聶靜為民。十二月，放還山。

東民兵。龍潭叛苗平。文華殿辦事工部侍郎談相。故以善書得幸。假歸。病慢期。斬之。百戶賴榮。華禦倭。乘勝陷伏死。嘉靖三十四年乙卯春正月。以水災。停內外營建。蠲蕪松。去年存留糧。解京者。改折。倭攻德清。殺把總指揮梁鵠。六月。二月。鹵分道寇宣府。叅將趙傾葵。指揮褚文明等死之。贈廕侍郎學士程文德。坐撰玄忤旨。改南。疏謝。黜為民。工部侍郎趙文華。條倭其一。祭告海神。而令文華往。兼察視海上軍情。勅兵部尚書。犇豹。閑住。三月。貴州總兵石邦憲。破川貴叛苗。撫寧十八寨。陞賞有差。進王忬。兵部左侍郎。總督蔣遷。山西。澤源。盜郭尚儒。平。倭陷崇德。至德清。殘。

甚、較百里無人烟。

夏四月、萃侍衛官旗將軍二百餘人、倭犯淮揚、御史胡宗憲請移檄日本國王、令生員蔣洲陳可願往、四州土官婦瓦氏與東蘭等州狼兵應調禦倭者五千餘人、敗績金山、復敗漕涇、宣府參將李光啟禦鹵清邊、口被執不屈死之。時同死指揮千戶百戶黃添祥等八人。咸與贈廕。五月、遊擊周藩追河川倭戰死、新倭復大至、參將盧鏜俞大猷等領永順保定兵破倭王江涇、擒斬千八百九十有奇。餘溺死者稱是。江北倭平。察視侍郎文華劾禦倭總督張經副總兵楊克寬玩寇黜為民、常熟知縣王鈇及鄉官叅政錢

泮、追倭上滄港、敗死。贈廕下戶部訪取龍涎香十年不得。
 六月、倭至會稽、殺鄉官御史錢鯨、俞大猷與叅政任環、副
 使王從古、連破倭海浦、平望、禹蹟、山、蔡涇等處。倭至江陰、
 知縣錢鏞見救、贈廕、連浙直總督周沅、浙江巡撫李天寵
 於獄、以侍郎楊宜代沅、陞胡宗憲代天寵、山西曠賊宋爰
 等平。

秋七月、四川宜賓縣叛、彝阿康等為武生劉顯所擒、授顯
 官。逃倭六十餘人、自嚴嶽破南陵、蕪湖縣、至陳一道死之。
 歷太平、犯南京、指揮朱襄戰死。江寧、趙林、陵、閩、東入溧水、
 侍郎文華奏提、告廟社、李天寵與張經、湯克寬、皆論死。八

月大破倭於揚林。指揮張大綱戰澠野陣死。九月，總督王
忬却鹵蕪北鹵大舉，分犯宣大山西。恭將丁碧戰死。總兵
歐陽安擊走之。鹵入懷來，恭將馬芳夜劫之，殲去。侍郎文
華與巡撫胡宗憲搗陶宅倭，大敗，掩不言。反劾巡撫曾邦
輔、僉事董邦政、退避。巡按御史孔昭以寔聞言官並抗論
文華欺誣負簡命，不問邦政逮訊。河南流賊傅伯玉平。
冬十月，裕王第一子生，禮部請告郊廟，詔天下上曰：此太
孫之禮也。今第告玄極奉先二殿而已。以吏部侍郎閔如
霖疏奏言諄降三級，決原任兵部員外郎楊繼盛及總督
張經、巡撫李天寵於西市。湯克寬戴罪贖，倭掠黃巖等處。

守備劉隆主簿畢清死。之。國入遼東。十一月。送歸琉球。就
學生蔡朝用等五人。論東西諸鎮堵鹵功。告廟。仕。修謝玄
典。倭犯舟山。殺指揮閔浴。犯興化。殺指揮童乾。震千戶戴
洪等。閏十一月。以水災免畿南稅糧。十二月壬寅。山陝河
南同日地震。屋死官吏軍民八十三萬有奇。南兵部尚書
韓邦奇。先祿。帥馬理。祭酒王維禎。咸被害。科道官楊文繩。
張翼。言劾先祿。寺丞胡膏。侵年。膏反。誣文繩。詩。上玄脩。論
絃。并降。渠言外任。而膏以賄。露為民鹵犯神木。參將楊璘
死。之。賜贈。廕。

嘉靖三十五年丙辰春正月。調河南兵禦倭。禦倭總督楊

宜罷察視侍郎趙文華、遽稱倭平、還京、吏部尚書呂默、頗以氣折文華、文華怒、遂引部試選人策題、有漢武征伐四
彙而海內虛耗等語、証默誑謗、并及應天巡撫曾邦輔失
事、擬默子罵父律、証絞明、金、死、邦輔謫戍、以胡宗憲侍郎
兼僉都御史、總督浙直、倭三月、以吳鵬為吏部尚書、倭
入古田、指揮使劉峴、副千戶王月死之、陞趙文華工部尚
書、時嵩子世蕃專恣婪貪、而文華之出察視、公私賸極、刑
賞倒置、天下切骨、此三人、大學士李本為嵩排異、列諸臣
為三等、吳鵬、趙文華、嚴世蕃、陸炳等二十八人為上等、鄧
茂卿、徐履祥七十人為中等、楊行中等十五人為下等、上

如所擬考察無異

夏四月倭破慈谿殺御官副使王鏐知府錢煥等省察官
杜槐及父文明大勝倭陳政贈廕倭劫圖山無為州同知
齊恩及其子尚文力戰死之尋殺溫州同知王劍揚州同
知朱裒游擊宗禮三勝倭崇德會橋陷師潰與鎮撫侯槐
何銜等皆戰死於皂林贈廕都御史阮鶚被困桐鄉倭焚
運船五月復遣尚書趙文章燕副都御史總督浙江軍務
降賊毛海峯取擊倭於漁山洋倭聽撫宗憲使人說降賊
酋徐海與其黨陳東麻葉貳相鄉圍解六月俞大猷追
倭大海洋大破之復破之台州鹵犯宣府遊擊張鉉戰死

賜贈賡

秋七月、建廷生典高玄殿五十日、徐海擒其黨陳東以獻、
大破倭乍浦巢。八月、徽王載瑜不法、追收故所錫勅印、廢
祭高壇、載瑜自殺。方士陶仲文頌可學言餌芝可壽、命分
採諸小宛、平民誠獻芝五本、賜銀幣、時文華主勦力、胡宗
憲遂集諸師進搗徐海於梁莊、大破之、海沉河死、而倭平。
祭告郊社帝王神祇、詔開諸礦、云帝錫嘉寶、不宜壅闕、於
無用之地。九月、酋入遼東、指揮劉洪臣千百戶黃相管振
等死之。

冬十月、御醫進玄岳仙芝、賜綠幣、酋十萬牧大同邊、恭將

孫朝張環等擊却之。十一月，總兵嚴高、廣、游擊嚴懋官等
戰鹵廣寧塞，力屈死。賜贈廕，都督倉事素正叔鹵環慶、建
景園一陽二典於萬法殿。十四日，兩廣督撫談愷等討平
峒賊陳以明。論功有差，總兵歐陽安却鹵青城。十二月，山
東賊楊思仁平。俞大猷大破舟山殘倭。
嘉靖三十六年丁巳春正月，鹵入大同，掠諸堡。二月，都督
陸炳劾太監李彬論斬，火星逆行，禳洪應雷殿。三月，鹵入
延綏。永平大同總兵陳鳳將承助戰，免。故指揮楊汲守備
唐天祿等，咸賜贈廕。廣東大破峒賊馮天恩等。河南巡按
御史昭進五色芝二十八本。

夏四月、降薊遼總督王忬官、詰責之丙申、奉天殿災、華蓋
謹身二殿、文武二樓、奉天左順右順午四門、一時燬、火兩
日、始熄、下罪己詔、黜乾清宮高玄大典、倭復至、登陸、金沙
犯揚州、高郵、如臯、泗州、入寶應、天長、盱眙、清河、安樂等縣、
焚劫而去、量釋高牆廢人、六月、叅將劉顯敗倭、東倭開
洋去、鹵入宣府及義州、叅將祈勉、指揮姚良臣等戰死、傳
陝西採礦、
秋七月、福建、廣東始進龍涎香、詔順天、廣東買採真珠、各
四十萬顆、上已稍聞工部尚書趙文華視師江南、狀至是、
責建朝天門急、文華稱疾、罪之、尋奪為民、戍其子錦衣千

戶懾恩以給事中謝江等不參舉皆杖黜為民九月、鹵入
鴈門塞、圍大同右衛、詔殺原任錦衣衛經歷沈練於宣府、
市上下文華諸不法狀示嵩曰勿以弟子為意、嵩佯驚惶
恐懼得免、禮部類奏名山所獲芝、凡一千本、有奇詔再採
冬十月工部郎中戴翹、襄陽知府李一經、儀真知縣師儒
各以避悞大工、黜為民、十一月、通倭王直至自倭、總制宗
憲誘擒之、直走金嵩父子、以歸款例、希授指揮使、三法司
執不從、梟示直、成其黨葉宗滿、王汝賢等、其餘部復據舟
山、沮岑港、自固、賑山東灾傷、鹵數萬入大同、殘七十餘堡、
草總兵龔業職、巡撫朱笈降倭三級、鹵首辛、受有異婦挑

松寨私通其部目、懼來降、辛、愛、縱、兵、請、以、叛、人、趙、全、丘、富、
易、婦、詔、執、與、之、竟、不、歸、全、富、而、圍、右、衛、如、故、十、二、月、言、官、
論、胡、宗、憲、軍、興、濫、費、不、問、嘉、湖、妖、賊、馮、祖、師、誘、衆、肆、掠、兵、
脩、道、劉、燾、討、平、之、祖、師、遁、免、糧、浙東平、還、縣、賊、首、田、武、就、
擒、廣、東、扶、黎、葵、梅、諸、山、峒、賊、馮、天、恩、李、汝、瑞、等、平、

嘉、靖、三、十、七、年、戊、午、春、正、月、光、祿、寺、火、下、大、官、署、正、炤、等、
於、獄、黜、為、民、倭、犯、潮、州、鄞、縣、散、官、王、金、聚、芝、為、山、以、獻、凡、
百、八、十、餘、種、有、徑、尺、八、寸、者、資、金、幣、二、月、懸、大、工、開、納、例、
錦、衣、衛、匠、餘、兵、輸、金、二、千、三、百、擬、指、揮、僉、事、子、孫、襲、言、官、
加、諫、改、千、戶、三、月、右、衛、圍、益、急、發、帑、濟、之、給、事、中、吳、時、來、

刑部。黨。總督。楊。順。巡。按。御史。路。楷。受。賄。開。募。右。衛。順。坐。死。
楷。戍。本。兵。許。論。點。為。民。逮。福。建。提。督。阮。鶚。於。獄。鶚。初。督。學。
湖。江。請。納。難。民。百。萬。主。勦。忤。嵩。父。子。世。蕃。族。言。官。論。劾。上。
頗。原。之。免。歸。田。陞。鄭。曉。刑。部。尚。書。賑。遼。東。飢。凶。寇。未。寧。薊。
鎮。宣。府。相。繼。告。急。備。京。師。刑。科。給。事。中。吳。時。來。刑。部。主。事。
張。紳。董。傳。策。交。章。論。劾。大。學。士。嵩。納。賄。誤。國。逮。時。來。等。訊。
主。使。百。掠。不。承。具。擬。辟。鄭。曉。不。可。發。成。煙。瘴。
夏。四。月。倭。大。至。犯。溫。台。沿。海。閩。界。破。福。清。舉。人。陳。見。率。家。
丁。禦。倭。與。訓。導。鄒。忠。賢。被。執。罵。賊。死。右。衛。困。甚。大。學。士。嵩。
意。且。棄。之。不。欲。顯。言。上。令。侍。郎。閔。煦。兼。右。僉。都。御。史。督。救。

之宗憲得白鹿於舟山以獻告廟賜金幣裕王妃李氏薨
不稱薨曰如壽定王繼妃吳氏喪提督江東尚書楊博提
兵張承勳等大集主客兵奪石衛圍鹵拔帳北去論功倭
犯惠安知縣林咸嚴堵倭退逐之。死於鴨山。五月倭掠南
安出海。參將尹偽等擊敗之。六月倭分犯興泉漳諸府
入福清南安掠泉清永嘉諸縣指揮劉茂朱廷綸千戶周
賓李爵劉源死之。鄉官僉事王德赴以義兵亦死。與台州
府知事武疇咸賜贈廕。
秋七月刑部減順戍。措降邊方。加論級亦戍。於是朝野大
譁。當父子閔七月。女王祐擄薨。無子。國除。鹵犯遼東。宣府。

入井州。八月，兵科鄭茂等合上邊務八事。有云：所失七千
萬。而所得百十，便為功。甚至鹵退，取有殘殍，以為首功。且
有曠莽崖谷之中，誘人而撲之者，不可不察。
冬十月，鹵犯邊陽。總兵楊照敗之，斬首八百級。并馳擊西
函，走之。復犯薊州。總兵馮芳拒却之。禮部類進芝一千八
百六十有四。職方郎中唐順之往浙，直視師。十一月，陝西
番彘犯莊浪。百戶常棟等戰死。江北湖廣水災，蠲稅有差。
總兵俞大猷擊倭沈家門。倭遁閩廣。
嘉靖三十八年己未春正月，倭千人突犯饒平、海豐，破黃
岡、流劫海陽、潮陽。惠來及詔安、漳浦贈死事醫士王沛為

太僕丞予廕、以大學士嵩年八十、許乘肩輿、支伯爵俸、三月、鹵首杞都兗等、忽數萬進逼三屯、掠遷安薊州屯、五日、乃去、遵化民張應相等七人戰死、贈官、逮繫提兵歐陽安等九人、論死、以倭逸閩界、逮俞大猷、獄訊、倭還犯崇明、巡撫都御史王忬坐禦鹵失策、論死。

夏四月、倭掠揚州海門等處、格王長子翔、鉞、薨、進封為世子、祭塋如世子禮、倭趨通州、指揮張毅死、圍福州、參將黎鵬舉死之、副史劉景韶擊白浦倭、追捷潘家庄及新洲、甲莊、巡撫都御史李遂大破倭於廟灣、環困之、倭盡解去、五月、倭犯寧紹溫台、解福圍、劫同安、福建小賊乘倭起、各為

甄永定知縣許文猷汀州道判郭子進勦平之六月以陶仲文八十存問加官其子五品服俸

秋七月總督宣大兵部尚書楊博還京鄭曉曰博在部則

九邊知副總兵劉顯盡殲江北倭驍將上陞逐北戰死八

月濟遼東災荒九月酋入宣府游擊董國忠等戰死

冬十月酋入遼東游擊董冕戰死十一月建一陽欽天寶

典大高玄殿前大學士翟鑾卒

嘉靖三十九年庚辰春正月酋入宣府搃兵兩旁拒却之

二月原任中允郭希顏疏請立儲中有建帝二字坐妖言

惑采命即原籍棄市傳首天下倭寇永寧脅指揮王國瑞

鍾瑱降之。又被寧德殺。恭將王夢祺知縣李聖卿。是時興
泉漳城外皆賊藪。貧民無賴。竄倭以活。責餉索贖。民無寧
息。諸將冒功飾敗。而巡撫劉燾實欺尤甚。言官連章論劾。
以通賄蔽氏。但得外調。三月。左副都御史鄧懋德請理
各處鹽法。大同總兵劉漢襲虜於瓜河。多斬馘。奪寧蛇一
百七十餘隻。虜移帳。走犯遼東。陷中前所。叅將佟登等禦
却之。國子祭酒沈坤家居負氣。南御史劉潤奏坤暴橫狀。
建繫竟死獄。求五色盈尺。芝於天下。進胡宗憲兵部尚書。
撫鎮而下咸伏謁。受節制。

夏四月。南京軍亂殺總督侍郎王懋官。官常曰。此四十八衛。

辛不敵二十七。後烏用是過裁抑之。而比歲大侵。諱餉。直
得。即為亂。兵部侍郎李遂擒首惡周山等二十五人戮其
三。餘邊戍也。御史耿定向劾吏部尚書吳鵬鵬。嚴黨也。鹵
掠廣寧。套鹵寇寧夏。五月。盜入博羅。殺知縣舒顛。六月。起
前兵部尚書王邦瑞於戎政。建天寶大典。大高玄殿。
秋七月。總兵劉漢破鹵於豐州。初。叛人丘富趙全。李自馨
等。於大同右衛邊外築城堡。構宮室甚麗。號其地曰。阪升。
教鹵製勾杆入寇。漢奉巡撫馳擊。阪升斬首八十三級。擄
七十六人。焚其居。游擊胡鎮却鹵把都兒於河坊口。八月。
胡宗憲獻芝。五白龜。二告廟。謝玄已。兩白龜。亡。上曰。天降

靈物、朕因疑其不耐塵、處御史鄭存仁逢嵩指、劾尚書鄭
曉、曉疏辭上曰、曉每事偏執無上裨、其職福建叛兵攻破
恭寧、遁去、九月、隕陽都御史谷嶠以陞任、迂道杖為民、鹵
由大同掠朔州、入五臺、燔縣、遁去、
冬十月、諭內閣景王之國、時景王母妃在上、左右頗窺伺、
得諭、臣民踴躍、趙王厚煜無故、用經、薨、王妃以彰德知府
傅汝礪通判、田時雨、初與諸宗有隙、遂誣構之、汝礪誦成、
時雨械斬、河南市東川營長阿堂、與雷益、玉官、九鼎相攻、
殺、巡撫都御史游居敬、調兵勦之、坐擅誦成、邊十一月、總
督許論、進所藏紫清仙人白玉蟾真蹟一卷、上褒納之、都

御史王忬給事楊允繩、決西市、倭陷永春、流劫各縣、督漕
 都御史章煥赴任遲、坐戍十二月、執三衛、導鹵酋果力箇、
 伏誅、賑京師飢、陶仲文卒、仲文以庫大使師事、即元節得
 幸、加贈特進光祿大夫、予謚文惠、塋以伯禮、陸炳卒、追贈
 忠誠伯、予謚廢、福建叛卒及倭破大城、所鹵犯海、蓋熊岳
 等堡、指揮李元勳死之、贈祠廢、倭陷潮州、
 嘉靖四十年辛酉春正月、鹵大寇五花營、守備王世臣、千
 戶李虎等戰冰橋、敗死二月、欽天監官奏日食、徵雲護之、
 等不食上悅、禮部尚書吳山救護如常禮、責科臣不糾論、
 罰俸、遂行謝典於大光明殿、賑濟南南河間、贛、賊、搆天祥等平。

景王之國免而辭分遣御史王大任姜傑出訪仙跡及符
篆秘方三月廣東潮惠賊起南贛新撫叛民葉棍復亂圍
身遠縣岑岡舊賊李文彪圍龍南縣吏部尚書吳鵬致仕
改左都御史歐陽必進於吏部

夏四月原任工部尚書劉麟卒麟在節著聞恂恂長者自
守介然家居足不城市大風雨黃土晝晦命百官修省賑
山西飢遣使六人分建萬壽熙於各山亦驟承天旌死事
長安長官田薰及其子田耕函入延綏救繕卒三千八五
月以旱霾令大小九卿自陳叛爨阿堂為部下所殺擒其
子阿哲閏五月大學士嵩妻歐陽氏卒破例子恤于世蕃

無意歸制、蕭請以孫鶴護喪歸、許之。陞喻時副都御史、督
漕。六月、陝西地大震、壓死軍民無算、賑之。都御史楊選、總
督薊遼、條邊務。

秋七月己丑朔、日食一分五抄、免救護。閩廣流賊突掠江
西、萬太等屢副史汪一中等戰死、贈廕賊火玉山攻永豐、
破之。八月、南御史林潤劾鹽法都御史鄒懋、卿贓濫五罪、
不問。九月、廣東賊張璉襲破南靖、陷福建、崇安、犯浙江、龍
泉、鹵十萬、騎犯居庸、岔道、口、故、搃兵、姜應熊被劾、參將胡
鎮力戰、護歸、鹵遁、固原、寧夏地震、傷人、賑之。卹江南水災。
冬十月、初、令南畿人不得典、南、試、閩、廣、流、賊、自、卽、武、轉、掠。

鉛山貴溪等處。參將戚繼光破山坊寨。賊奔達寧。還陷宜
春。為南贛兵所敗。始適倭破寧德。參將王夢祺知縣李克
卿死之。故南京兵部尚書湛若水孫壽魯為乞進。贈上曰。
若水偽學不許。御史林潤條宗祿宜圖永遠之計。准王獻
白鴈二告廟。草黃花鎮守。恪太監永不補。十一月。尚書必
進坐擅改玄。撰文勒致仕。以郭朴代之。袁煇以戶部尚書
兼武英殿大學士。甫進。逼回原。循下馬關。而西。數日。適上
所居萬壽宮災。嵩請徙南城。南城者。英皇故所御也。上不
憚。乃移御玉熙宮。更徙玄都殿。十二月。丙辰。遼東指揮楊
世武死之。死事副使汪一中。妻程氏不食。殆。一中贈淑人。

祠祀

嘉靖四十一年壬戌春正月、或言叛人丘富、死謝玄、頒賞

二月、罷親耕親蚕禮、禮部勿復奏請、倭寇永寧衛、三月、貴

州總兵石邦憲大破土官韓甸、平之、萬壽宮成

夏四月、上御新宮、仍名萬壽、鄆縣獻靈芝五色、急告廟、白

忠再生子、稱賀、五月、福建兵擊賊張璉、蕭雪峯等、破斬之

上歸感玄恩、醮謝、論功有差、時有貸金司禮監黃錦、營庶

吉士者、錦密以聞、上遂罷庶吉士、選延綏卒、鼓噪、尋省、遼

東屬、彞叛、副總兵黑春擊敗之、尋戰死、予贈廕、御史卸應

龍、疏劾大學士嵩及子世蕃、嵩致仕、速世蕃榜、訊陸應龍

通政司右參議續論世蕃子鵠鴻及其黨中書舍人羅龍
文與世蕃成。上特宥鴻為民。嵩雖去。上忽忽不樂也。
曰。朕遂傳位裕王。退老西內乎。大學士徐階諫。上曰。則必
仰奉。上命同輔君闡玄脩仙。則可有再言嵩者。保。郅。應。龍。
斬之矣。於是莫敢言帝玄事。及嵩罪收。方士藍道行下獄。
論死。六月。督鹽都御史鄔懋。御史袁煒。知淳安縣。知
縣海瑞。慈谿知縣霍與瑕。瑞調。咸與瑕落職。以懋。卿。為工
部右侍郎。御史鄭洛。劾懋。卿。及大理寺萬宗。太常卿萬雲。
龍。不報。以徐階言罷。聖節。玄撰。上曰。九月。之丁卯。前四日。
後五日。止不急。不告封。臨時下諭者不在限。以龍涎香。殿。

於火命有司急購之

秋七月命禮部春秋大享俱復舊制。參將戚繼光等破倭於寧德之橫嶼。又追倭興化破之。八月戶部尚書高耀上龍涎香少許。奉宿漏託購得以獻上。大悅。加耀太子少保。倍其值。九月三殿成。改奉天殿為皇極殿。門曰皇極門。華蓋殿為中極。謹身殿為建極。樓閣及諸門皆更名。詔天下告廟。論殿工。尚書雷禮、王杲、太監黃錦、陞蔭有差。罷嚴嵩黨。侍郎劉伯躍、何遷、南祭酒王材、南通政胡汝霖、南光祿少卿白啓常、前都御史張西、副使袁應樞、諭德唐汝楫、及張永明、左都御史方士熊、顯進法書留覽。

冬十月、福建新倭至、突犯福清、福寧、政和等處、鹵入遼東、
大掠、犯山西、廣賊林朝曦就擒、十一月、龍山賊蘓阿普伏
誅、錄採木諸臣功、裕王第二子胡鎗薨、追封藍田王、總督
胡宗憲被劾、逮繫、上獨原之、子聞住、鹵犯寧夏、副提兵王
勳戰死、延綏總兵趙奇等分擊、斬鹵三百餘級、倭陷興化
府、同知虞世亮死之、時都督劉顯按兵三十里不進、發五
卒賫文詣府、納刻日合禦、倭得五卒、偽為顯文、更約城、叅
政翁時器、叅將畢昭誤信之、至期賊貌劉兵入、不知也、猝
露刃、時器等離城遁、倭焚掠三閱月、乃去、顯乘亂、據逃難
婦女、有聞住、叅政王鳳靈、繼妻年少、竟為顯所得、詔與世

亮贈廕十一月、鹵入遼東、大掠。平心書房藏
 嘉靖四十二年癸酉春正月倭犯潮惠二府御史凌儒請
 舉用故脩撰羅洪先上以為賈直黜為民鹵掠隆慶永寧
 等處故大同總兵為事官劉漢戰却之二月戶部用太倉
 白金二萬七千餘兩購真珠八萬一千八百顆寶石三色
 五千塊以進上以未有猫睛祖身碌命再購復購綠撒字
 比阿從石金剛鑽副總兵楊照擊鹵清河走之沈石紅刺石
 米藍石營典等石未幾復犯
 長安堡發伏多所斬獲興化倭結巢崎頭城都指揮歐陽
 洪典普江生員薛天申死之予贈廕倭陷平海寧德趨羅
 源連江命總督張臬擊之總兵劉顯戴罪自贖三月改嚴

訥吏部尚書

夏四月嚴嵩歸至南昌延道士田玉等為上醮鐵樹宮以
聞玉隨以所藏白鶴符驗諸書附奏嵩玉皆賞賚有差上
諭內閣階等曰緒生四瑞語爾知焉緒指階率群臣賀謝
玄告廟雲南進寶石三百六十兩有差賑金復海蓋四衛
飢總兵劉顯俞大猷合擊倭於遮浪殲之把總許朝光斬
平海倭四十有九倭盡焚其舟還屯平海副總兵戚繼光
與夾攻大破之為閩中戰功第一英德峒賊卓文昌等伏
誅五月三衛彙首通罕者爾亨愛之義妻父也副總兵胡
鎮執通罕以求前蒙殺我謀卒罪人通罕子遂以罪人至

請易其父。總督楊選計以牽制辛愛。留通罕。令與其諸子更迭。負毋寇邊。給事中陳瓚請錄用在告諸臣。杖為民程。卿賊溫。鎡梁道輝等平。六月。戶部進猶睛祖毋碌。共四百五十塊。計直白金四萬七千八百餘兩。浙江再破倭於石坪等處。

秋七月。西苑。竟止五卯。告廟受。履叔平海功。譚給。戚繼光。劉顯俞。大猷。陞賞有差。雲南進青黃。紅寶石六千七百六十九塊。八月癸亥。裕王第三子生。名翊鈞。是為神宗皇帝。遼東總兵楊照。出塞掩鹵。中矢卒。副將線補。袁力戰。斬鹵首二百餘級。還照屍。照智勇廉潔。在鎮鹵不敢犯。埋盡忠。

報國四字於背。追附古人。賜照贈。廕以訪求。玄秘加御史。
王大任、姜倣、俸一級。九月、刑部員外郎、峻與道士裴中珮
夜飲上狝、台中珮、既去、應遲、逮杖、峻致仕、嵩奏乞放歸子
世蕃、孫鵠、不許、賑徐州水災。

冬十月、罷遣番僧封諸藏者、為令三衛、彛以通罕、怨益尊。
鹵鹵、月墻子、顏潰、邊入連、陷密雲、三河、順義、諸縣、以宣大
總督江東、統諸師、堵之、諸將被圍、總兵孫臚、遊擊趙濬、戰
歿。總兵胡鎮、潰圍免。鹵大掠灤東、總兵姜應龍、郭琥、邀破
之。速、總兵楊選、而下獄繫甲戌、火星逆行、醮謝、鹵屯平谷、
掠通州、上自宮中望見火光、戒九門、時分守外城、大臣劾

本兵楊博救不至、夜呼崇文門甚急、刑部侍郎孫植知兵
恐臨事本兵操必悞事、姑云救至以緩劫、援兵馬芳、姜應
熊、繼至十一月、鹵遁、諸將以精兵望鹵塵尾之告、鹵退於
郊、廟神祇給事中丘擗等條邊事、詰不早、杖為民、餘降邊
方、楊選坐通罕、葉鹵、弃市、梟示之、疏其妻子、都御史徐神
指揮楊瀛論死、長繫之、游擊嚴瞻、各將胡燦、皆誦戍十二
月、馳諭屬彛、頒賞、諭吏部尚書嚴訥、慎選本兵、戎改、詔自
今日二十四日至來、正二十日、首欽大壇報、繼重新甲、臘
以冰脊、祐其止、封諸禱、項毋擾、云新甲者、以明年為甲子
也、

嘉靖四十三年甲子春正月上議賞邊大學士階曰賞非
例不勸不若足其餉而留以待有功帝是之選宮女三百
人却鹵薊東鹵轉攻山西不克遁以尚書巖訥言倣國初
襟流超擢以見不次碣石衛經歷郭文通以吏員出身擢
同知二月雲南進寶石七百六十餘兩命再採青紅三寸
許黃寸許及紫共石以獻服被鹵順天三河等處總兵戚
繼光悉平闖餘倭閏二月廢伊王典模為庶人國除汀漳
盜興建城盜合漳平知縣魏文瑞死之賜贈廕三月破倭
潮州甲子黃霾兩土命脩省贈死事福建武生薛天申為
指揮僉事沈東妻張氏疏請代束繫不許大購龍涎香出

蘇門答刺國之龍涎嶼南五裡洋群龍文戲遺涎為黑白
珠白者採在山黑者在水有三品曰泛水曰滲沙曰魚食

泛水為上

夏四月降土酋楊珂五月廣東進珠上小之乙卯報桃實

夜連降于御幄白兔及壽鹿生子謝玄告廟連啟倭浙直

沿邊酋犯鎮武營遊擊楊維藩陷致六月叛人陳朝用伏

誅

秋七月雲南復進寶石以諭德張居正充裕王講官是歲

天下臣民進諸秘仙苑瑞芝及為上建醮祝釐者不勝數

皆優賚追恤死倭省察官孫鏗及巡簡黃尚正等程卿盜

藍松山平八月致仕贊善羅洪先卒九月賑淮安飢酋犯

山西游擊梁平守備祈謀等戰死。

冬十月、採訪諸秘御史姜儆王大任還京、大任得方士王金等、倣得符錄諸人、並陞侍讀學士、給第雲南、叛酋王行道伏誅。十一月、嚴世蕃羅龍文弃戍歸、大治私第、南御史林潤以聞、逮治之、復論劾鄔懋師削籍。十二月、上責戶部所進金不純、尚書高耀懼、進豆色金十兩、自贖、乃解。古田擒賊韋銀豹等流劫廣西、藩庫殺甚、政黎民表、守備賀鐸指揮蔡允元擊賊、南韶見執、罵賊死、賜贈廕。

嘉靖四十四年乙丑春正月、賑畿內飢、上不豫、授法士秋二月、上疾有瘳、加銜大醫院使、偉為右通政、景王戴圳薨。

無嗣、國除、破鹵寧夏、火穴、供用庫內監暨盛、妄報焚香十
八萬餘觔、坐斬、提鹵延綏、斬首一百三十餘級、三月、大學
士袁煒病歸、道平巖、嵩削籍、籍其家、子世蕃、對交通倭鹵
謀、叛、律斬、西市、鹵犯遼東、參將線補、袞禦却之、逃北、與遊
擊楊維藩、皆戰死、賜贈卹

夏四月、起擢同知王化等為副使等官、四川討龍川叛酋
薛兆乾、擒之、宮怪有黑氣、木綿見披攔、藻井上、上惡之、欲
內禪、不果、吏禮二部、尚書嚴訥、李春芳、俱武英殿大學士、
起尚書、郭朴於吏部、許工部、尚書徐臬、子文燦、世襲錦衣
僉事、詔安盜首吳平、流劫兩廣、福建、雲南、叛、彝阿、萬、李、向

陽等平。總兵劉永業敗鹵肅州。總兵郭成屢敗倭通州。賊
繼光敗倭福象。詔川貴湖廣合討羅山寨賊黃中。五月，版
井叛人李自馨請降。妖人胡大順、陶仲文徒也。間進黑鉛
丹，託筮言呂祖示，并上萬壽全書一帙。上曰：此云筮書，扶
筮者何在？大順遂以為有肯，遽謁上。大學士階諫，上悟，收
順黨藍田玉及導入太監趙樞，咸論死。六月，芝產皇考原
廟，作玉芝宮，以高拱為禮部尚書，鹵入宣府，移犯大同，入
延綏，掠黃甫川。
秋七月，河決沛，淤運道百餘里，濟之。八月，廣東山賊卓文
勝沉破城邑，僉事趙總等擊擒之。賊吳平入南澳，把總朱

璣等被殺。鹵筒黃台吉犯宣府，被劄去。上諭禮部曰：頃者朕御褥見案上若水藥丸一天賜也。舉諸謝典，大臣為上香使。九月，鹵犯巡綏，恭將魯總指揮權世爵等戰死。劉顯被劾，多用言官舜岳等劾戶部尚書高燿，上以疏中有不聞求賢，急於寶貨等語，謂訕上，令燿視事如故。以巡撫劉幾言寢浙江市舶之議，文選郎中陸光祖執法不徇。陞太常少卿閔佳。

冬十月，貴州叛賊阿和等伏誅。逮胡宗憲，革其子錦衣千戶松奇職。先是宗憲被劾，託羅龍文傳蔽世蕃為內援，且自擬旨未達，而世蕃敗。御史汪汝正籍龍文家，得其書以

聞宗憲疏辯不白仰藥死上頗憐之十一月大學士嚴訥
乞養歸御史張楨乞錄用前奏發嚴氏諸臣吳時來董傳
策張紳王宗茂等上大怒逮治之十二月壬申火星逆行
下詔脩省勅御史懲貪吏以為御史最否權奉睿宗獻皇
帝慈孝獻皇后神主於玉芝宮

嘉靖四十五年丙寅春正月大定縣妖賊蔡伯貫陷合州
等縣討平之二月戶部主事海瑞極諫時政論絃初上得
瑞諫怒抵之地繼引觀之為太息者再四至是上疾煩憊諭
徐階曰瑞言是也朕欲別建一宮於南京當無瑞訟階曲
為瑞解之捕瑞鎮撫司擬子罵父律絃上竟留中下詔規

畫承天寶殿一視京師費且萬萬計緹騎詔瑞猪撰者相
屬於道莫敢跪止湖廣巡按御史陳省但極言楚中水火
民困流離萬狀上心動曰一切且停速量修隆慶校恩二
殿然意不忘承天也必一幸徐階力諫曰六飛遠狩根本
空虛惟陛下深思上勉罷戶部進黃白玉五百餘尔命採
大小珠一蹄至十二蹄者四川山寇黃巾平三月鹵突犯
宣府龍門等處總兵馬芳追勝之廣東山賊李亞元肆掠
城邑總兵俞大猷搗其巢平之戶部進珠命按號再採開
化賊流教日熾以都御史劉畿總督浙直江西軍務討之
吏禮二部尚書郭朴高拱兼大學士入閣辦事

夏四月，叅將湯克寬等破吳平。鹵寇遼東西興五平二堡。守備荀麒等死之。召南兵部尚書胡松於吏部。鹵寇遼東。殺一把總。時錦衣官較行占籍行戶者。大興知縣金世儒等以詔書召之承後。為左都督朱希孝所訐。御史顏鯨直也。坐降調。五月，黑氣擾西內。上心疑之。諭內臣慎火周府。貧宗朝增以父勤慰。坐削無功。請封。或教之上。書。葉。銅。反。得。衣。食。果。送。高。墻。守。備。即。得。功。捷。鹵。河。東。六。月。湯。克。寬。等。破。海。寇。林。道。乾。等。

秋七月，購西域賈胡玉補六璽。

正德中毀其五。求美玉徑尺者補之。必得白。

漿水碧二色以進。鹵沃入延綏。大掠。捷聞。始通天津海運。

轉餉永平八月、尙寇延安諸縣九月、古田猛賊韋銀豹降

禁戒壇僧尼設法

冬十月、侍郎鄒懋卿坐嚴黨、寄頓侵匿、按問并前大理卿萬采、副使袁應樞、謫戍以湯克寬為廣東總兵官、內入固原、總兵郭江千總李大木死之、賜贈廕、復入偏頭關、殺守備一人、雲南土舍鳳繼祖叛、攻新城、執殺僉事張澤、尋討平之、賑淮徐飢、戶部司務何以尚請省海瑞杖百、禁錮御史王時舉、論劾刑部尚書黃光昇、擬失律、戍口外、出沈束於獄、為民改揚博、吏部尚書上不豫、免兩淮鹽稅四十萬、皆係鄒懋卿溢額、閏十月、礦賊平、御

共點為

民鹵入延綏大掠亦犯大同參將崔世榮與戰死之十一

月大學士拱與階相失給事中胡應為階同鄉遂劾拱

改顯陵明樓碑如廟號尚書鄭曉再聞位十二月上疾甚

還大內崩上餌丹藥其品詭秘不可辨性極燥熱遂不可

解遺詔有云過求長生奸人狂惑以致禱祀日舉土木歲

興郊廟不親朝講久失因及建言得罪諸臣存者皆用毀

者邱錄方士人等輕重典刑大學士徐階等啓裕王入主

喪太子裕王即皇帝位詔明年為隆慶元年釋戶部主事

海瑞於獄

論曰上隆準修髯威容若神博綜經史五行俱下每伸

見六
 以嚴馭吏。以寬治民。以經術為
 律為輔。不神。仙祥瑞。土木珠玉。過摧直諫。偏
 狗。則自是一念。成之多事。而力不逮。人意。而伺日增。晚
 乃倦勤。勢使然也。然而復四郊古制。黜元主廟祀。草榮
 國。侑享。免孔廟像。諉非自是。不能斷。然為之。至于本生
 過尊。由于議禮。諸臣之激之。而不能通于禮意。因緣將
 順。遂至僭踰。上初不及是也。草藩鎮諸閹。奪畿甸。皇莊
 已外。戚世封。抑司禮。秉用內無女寵。外無禽荒。范守已
 云。奇謨六。偉裂四。獨行五。豈過譽哉。